

4685 Գ. Դ-Հ Վարդակ

ՕԴ-Ը ԿԵՐպԸ

546

4-32

Թիֆլիս

1898

2010

ԹԵՇԼԻԱՆ ՀԱՅՈՅ ՀՐԱՏԱՐԱԿՈՒՅՆ. ԸՆԴԵՐՈՒԹՅԻՒՆ

(63)

№ 147


Գ. ԴՀ-ՎԱՐԻՆՅԻ

Օ Ֆ Լ Ե Ւ Կ Ե Ա Ն Ք Ը



Թարգմ. ոռունքնից

Ե. ՏԵՐ-ՑԱԿԱՐԵԱՆՑ



Թ Ի Փ Լ Ի Ա
ՄՐԱՎԱՑԻԿ ՄՆԱՑԵՎԱՆ ՄԱՐՏԻՐՈՂՍԱՆՑԻ
Միքայէլեան վազոց, տոհմ № 81.
1898.

2002

Հնկերութեան հրատարակութիւնները վաճառում են Հնկերութեան գրասեննեակում եւ գրավաճառանցներում:


1 Թատամաղ մեղու (սպառ.)	{ թարգման. օր. ն.	— 40
2 Կարմիր լապտեր	{ 8. Մարկոսեանի.	— 30
3 Մոնկական երգեր, Քամալ-Քաթիլպայի	.	— 15
4 Թողմած եղբօր տնակը, (պատկեր) թ. օր. ն. Տ.-Մ.	— 45	
5 Մորեխ և նրա չնջեսւ հնար. (սպառ.) ն. Տ. Բ.	— 10	
6 Նեղ և խանութ բնակուրանների մասին, չ. Ա.	— 10	
7 Մովսիսի Խորենացւոյ Պատմութիւն Հայոց (սպառ.)	— 80	
8 Փոքրիկ ձեռնարկ գրծնական տնտեսութեան	— 50	
9 Կամաս-Քաթիլպայի բանաստեղծութեան (սպառ.)	— 50	
10 Թօրինզնի պատմութիւն, թարգմ. Գ. Ք. Ը.	— 60	
11 Ալիտաւորք, գործ չ. չ. աշխ. Ա. Պատկանեանի.	— 75	
12 Գառնուկ և Լուսատանիկ, զմիկտի, թարգմ. ն.	— 25	
13 Մոյաթ-Նօվա, պղպային երգիշ	— 5	
14 Ենդղեան պատմութիւնը	— 10	
15 Ակաթանգեղեայ պատմութիւն	— 1	
16 Դիւզական անդիք, Ա. Արարատեանի	— 50	
17 Վանայ սազ, զէրենցի	— 75	
18 Ֆնջիկ, գրեց Եղիշրոանդր Արարատեան	— 20	
19 Նամուս, վիպ, Զիրավանդի (սպառ.)	— 1	
20 Մաեփանոսի Տարօն. Ասոզկան Պատմ. տիեզեր.	— 2	
21 Թիֆիսիկոց մտաւոր կեանքը, Գ. Տ.-Աղեքու.	— 1 50	
22 Հետնդ պատմագիր	— 2	
23 Արբազան պատմութիւն (սպառ.)	{ Ա. ք. Սա.	— 30
24 Դասապիեք կրօնի (ուսուց. համ.)	{ հականանի.	— 1 75
25 Առկրատէս, (սպառ.), թարգմ. օր. Թ. Ստեփոյեան	— 10	
26 Պատմութիւն Հայոց, Ա. Պալասանեանի (սպառ.)	— 1 50	
27 Ուզեցոց գրծնական շերամապ. Կ. Մ. Ջ.	— 40	
28 Փամանակապութիւն Հայոց, Յ. Դարգելի	— 1 25	
29 Վարդ-Ռէսին, Ապիրի, թարգմ. Ի. Յ.	— 10	
30 Նալ և Գումարեանթի, Գ. Զմիկտի	— 20	
31 Աստուծ զիտէ արդարն ու մեղաւորը, Տօլսաոյի	— 7	
32 Հաւատարիմ Ավալիտրին, Վայլանիրի	— 10	
33 Լինհարդ և Գերատուգ, Պետալացցի	— 25	
34 Յաւելուած ի գիրս պատմութ. Ասոզկան	— 20	
35 Նաւի փարբուրը, Մ. Ասոյենհ. Թարգմ. Յ. Լ.	— 15	
36 Աւանենց Յովսէկի, Յ. Սպիրի, թարգմ. Ի. Յ.	— 15	
37 Մեծապ. Մուլացկաններ, Կ. Մազ. Պարսնեանի (սպառ.)	— 40	
38 Ազգային ջոջիր, Յ. Պարսնեանի (սպառ.)	— 1	
39 Իր-ա-քա, Օժէչկօի	— 15	
40 Կուկիսպայի, (սպառ.) թարգմ. օր. Ա. Ա.	— 5	
41 Զչեզրինի երեք կրոցյներ, թ. Մ. Ղազարեան	— 10	
42 Տարասկոնցի Տարտարէնի, Տօդէր, թ. րժ. Թ. Զ.	— 40	
43 Օրլէանի Կոստը, Օստրոնդորկու, թարգմ. Յ. Խ.	— 25	
44 Ցարութիւն Արարատեանի կեանքը, թարգմ. Գ. Պ.	— 75	
45 Գաղտիարական քահանայ, Պօտապինկօյի	— 75	
46 Բնանիկի յայսր, Անենկայա, օր. Մ. Տ.-Յ.	— 10	
47 Ճանոսի ձեռնատրը, Յ. Պարնեանի	— 1	
48 Քիմիա, Ռօսիօյի, թարգմ. Ա. Մելիք-Ալլահի.	— 40	
49 Զչեզրինի երեք վէպիկ, թ. Մ. Ղազար.	— 15	

Թափեասի ՀԱՅՈՅ ՀՐԱՏԱՐԱԿՈՒՅՆ. ԸՆԿԵՐՈՒԹԵԱՆ

№ 147

Գ. ԴԵ-ՎԱՐԻ ՆՅԻ

Օ Պ Լ Ե Ւ Կ Ա Ա Ն Ք Ը



Թարգմ. ՈՈՒԵԿԵՆԻՑ

Ե. Տ Ե Բ - Ա Կ Ո Բ Ե Ա Ն Ց

Թ Ի Ֆ Լ Ի Ս

ԱՐԱՅԱՑԻԿ ՄՆԱՑԱԿԱՆ ՄԱՐՏԻՐՈՍԵԱՆՑ

Միքայէլեան փաղոց, տուն № 81.

1898.

17738

Дозволено Цензурою, Тифлисъ, 30-го Апрѣля 1898 г.



1770-54

17738
ЦЕНЗУРНЫЙ ОФИС
Г. ТИФЛИС
СОВЕТ СОВЕТСКОГО СОЮЗА
ЗУУР-АМН. ССР
1900

1893 թւին Ուաշինգտոնի յայտնի „Smithsonian Institution“ ուսումնական հիմնարկութիւնը յայտաբարեց յանուն Հօդկինսի հետևեալ երեք մրցանակները.

1) Առաջին մրցանակը—10,000 դոլար, նշանակուած էր այնպիսի մի աշխատութեան համար, որի մէջ հաղորդուած լինէին նոր և հետաքրքիր տեղեկութիւններ մթնոլորտային օդի բնութեան և յակութիւնների մասին:

2) Երկրորդ մրցանակը—2,000 դոլար, նշանակուած էր լաւագոյն աշխատութեան համար, որ վերաբերում էր ա) այն յարաբերութեան, որը կարող է լինել օդի յատկութիւնների և գիտութեան բոլոր ճիւղերի հետազոտութիւնների մէջ, նոյնպէս և մըթնոլորտի ուսումնասիրութեան նշանակութեանը՝ այդ յարաբերութեան տեսակէտից: բ) Այն ցանկալի ուղղութեան, որը պիտի ընդունեն մթնոլորտի օդի վերաբերեալ ապագայ հետազոտութիւնները և այս հետազոտութիւնների կապին ուղիշ գիտութիւնների հետ:

3) Երրորդ մրցանակը—1000 դոլար, յատկացրած էր մի լաւագոյն հանրամատչելի գրուածքի, որը վերաբերում էր մթնոլորտի օդին, նրա յատկու-

թիւններին և կեանքի հետ ունեցած յարաբերութիւններին:

1886 թուի կէսում մրցանակաբաշխութիւնը
կայացաւ մի յանձնաժողովի ձեռքով, որ բաղկացած էր
չորս ամերիկացի գիտնականներից — Լանգլեյ, Բրուն
Գուդ, Բիլինգս և Զարըինգտոն, և երեք եւրոպացիներից, այն է գերմանացի հոչակաւոր Հելմհոլց (սրա
մահուան պատճառով իր տեղը բանեց Բէզօլ'դ), ֆրան-
սիական ակադեմիայի անդամ աստղաբաշխ Եանսէն և
անգլիացի ոչ պակաս յայտնի Տ. Հեկիսի:

Մըցանակի ներկայացրուած էին 218 աշխատութիւններ։ Առաջին մըցանակը ստացան, ի հարկէ, Լորդեր Boyligh և Ramsay այն պատճառով, որ նըրանք գտել էին օգի մէջ մի նոր տարր—արզօն։ Երկրորդ մըցանակին ոչ ոք չարժանացաւ. իսկ երրորդը՝ 1000 դոլար, ստացաւ յայտնի ֆիզիոլոգ և տաղանդաւոր պօպուլեարիզատոր Գ. Դը-Վարինյի իր «Օդը և կենսքը» գրուածքի համար, որ և թարգմանւում է, մի քանի ծանօթութիւններով, որոնք անհրաժեշտ համարուեցին հայ ընթեցող հասարակութեան համար։

Բոլոր կենդանի էակները շունչ են քաշում, և
օդը նրանց համար նոյնքան անհրաժեշտ է՝ որքան
ջուրը, կերակուրը և տաքութեան յայտնի քանակու-
թիւնը: Խոկապէս, ոս մի այնքան հանրածանօթ ճշշ-
մարտութիւն է, որ գուցէ չարժէր նրա վրայ կանդ
առնել, եթէ ժամանակակից զիտական հետազոտու-
թիւնները, անցնելով երևոյթների աւելի մանրամասն
անալիզին, մատնացուց շանէին մի շաբթ հետաքրքիր
փաստերի վրայ, որոնք ցոյց են տալիս, թէ ո՞րքան
բազմազան են կենդանի օրգաննիզմի յարաբերութիւն-
ները այն միջավայրի հետ, ուր նա ապրում է:

Բայց նախ քան այդ բարդ յարաբերութիւնները
ուսումնասիրելը մի քանի խօսք ասենք իր, ողի մա-
սին: Նա շրջապատում է երկրագունդը բոլոր կողմե-
րից և կազմում է այդպիսով մի կեղև, որի հաստու-
թիւնը անորոշ է. սակայն այն տեսակէտից, որ մենք
այժմ ի նկատի ունինք, մթնոլորտ 10—15 հազար
մետր բարձրութիւնից սկսած կորցնում է մեզ հա-
մար իր հետաքըրքութիւնը, որովհետև այդպիսի
բարձրութիւնների վրայ նա, անկասկած, անընդու-
նակ է կեանք պահպանելու. և քանի որ մեր ծովերի

մէջ կեանքը 8 կամ 10 հազար մետր խորութիւնից գէնը չէ անցնում՝ ուրեմն կարող ենք ասել, որ իւր մէջ կենդանի էակներ պարունակող միջավայրը կաղմում է մի շերտ, որի հաստութիւնը 20 կամ 25 հազար մետրից աւել չէ: Ահա այդ համեմատաբար բարակ շերտի մէջ, որի կենդրունական մասում, այն է ծովերի մակելմոյթի վրայ, կեանքը համնում է իր զարգացման գաղաթնակէտին՝ պարփակում են բոլոր օրգանիզմները: Այդ շերտը շատ չնշին է, համեմատած երկրագնդի մեծութեան և երկնային տարածութիւնների անհունութեան հետ, բայց այնու ամենայնիւ նրա մէջ՝ զարգացած ձեերի բազմազանութիւնը և կատարելութեան այն աստիճանը, որին հասել են այդ ձեերից մի քանիսը՝ շատ զարմանալի են մեզ համար:

Մթնոլուրաը ամեն մի օրգանիզմի վրայ ճնշումն է գործում. միջին հասակ ունեցող մարզը, օրինակ, ենթարկուած է մի քանի հազար քիլոգրամ՝ *) ճընշման: Նրա մէջ պարունակում են ջրի գոլորշիներ, նրա մէջ լողում են փոշու անթիւ մասնիկներ, նաև միշտ ենթարկուած է զանազան տեսակ երերուների և շարժումների, և այդ տարբերից իւրաքանչիւրը կեանքի երևոյթների մէջ ունի իւր դերը:

Քիմիական¹⁾ տեսակէտից օդը բաղկացած է զա-

*) Մէկ քիլոգրամը = $2\frac{1}{2}$ ֆունտ:

¹⁾ Ընդհանրապէս ասած՝ քիմիան պարապում է այն հացերով, որնք վերաբերում են նիւթին և նրա կերպարանափութիւններին: Հետազոտելով աշխարհում գտնուող բոլոր մարմինները, օրգանական թէ անօրգանական՝ քիմիան հասել է այն եղբակացութեան, որ այդ բազմազան մարմին-

նազան տարրերից: Նա պարզ մարմին չէ, ինչպէս այդ ենթագրում էին մինչև անցեալ դարի վերջը, այլ խառնուրդ է մի քանի գաղերի, որոնց կարելի է բաժանել իրարից և որոշել: Սում ենք խառնուրդ է և ոչ քիմիական բաղադրութիւն այն պատճառով, որ նրա տարրերի միացումը տեղի է ունենում առանց տաքութեան կամ ելեկտրականութեան որ և է երեւոյթների *): Նա այնպիսի մի խառնուրդ է, որի

ները ներկայացնում են զանազան միացումներ (երկու-երկու, երեք-երեք և այլն) միմիայն ութսունաշափ մարմինների, որոնք ներկայում գլուխութեան ձեռքում գտնուող միջոցներով այլ ևս չեն կերպարանափոխում, չեն լուծում ուրիշ մարմինների: Այդ մարմինները կոչւում են պարզ մարմիններ կամ տարրեր (տարր բառը գործ է ածում և ուրիշ մտքով, օրին, ասելով օդի տարրերը՝ հասկանում ենք այն մարմինները, որոնցից նա կազմուած է, թէ նրանք բոլորը են կական տարրեր չեն):

Երկու կամ մի քանի պարզ մարմիններ կարող են ունենալ միմեանց հետ քիմիական չշամութիւն, այսինքն յայտնի ձրգում միմեանց հետ միանալու: Երբ աեղի են ունենում այդ տեսակ միացումներ կամ քիմիական քէակցիաներ (քէակցիա են անուանում և այն գէպերը, երբ մարմինները քիմիապէս բաժանում են իրարից)¹⁾ ստացում է նոր բարդ մարմին, որը առ հասարակ ոչ մի նմանութիւն չէ ունենում այն մարմինների հետ, որոնցից ստացում է և որի կազմուածքը բոլորովին միատեսակ է: Բարդ մարմինները կոչւում են նոյնպէս քիմիական բաղադրութիւններ, որոնց պիտի զանազանել Խառնուրդներից: Երկու կամ մի քանի մարմիններ, որոնք միմեանց հետ քիմիական ինամութիւն շունին՝ կարելի է միացնել այնպէս, որ ստացած զանգուածը կարող է քիմիական բաղադրութեան նման միատեսակ երեալ: Բայց զանազան միջոցներով միշտ կարելի է բաժանել նրանց իրարից: Այդ տեսակ միացումները կազմում են խառնուրդ:

*) Քիմիական միացումների ժամանակ այդ երեւոյթները միշտ նկատում են:

տարբերի քանակական յարաբերութիւնը անփոփոխէ; Այդ տարբերից երեքը ամենահետաքրքրելին են թէ իրանց քանակութեան և թէ ֆիզիօլոգիական կարևորութեան տեսակէտներից: Դրանք են թթուածինը, բորակածինը (աղօտ) և ածխաթթուն: Ո՞րտեղից են ծագում այդ տարբերը, ինչ քանակութեամբ են պարունակում օդի մէջ և ինչ նշանակութիւն ունին: Այդ հարցերի պատասխանները շօշափուած են սոյն գրուածքի մէջ: Մթնոլորտի և կենդանի էակների մէջ տեղի ունեցող յարաբերութիւնները ուսումնասիրելիս, մենք պիտի ուշադրութեան առնենք առաջինի ազգեցութիւնը՝ վերջինների վրայ, նոյնպէս և օրդանիզմների ազգեցութիւնը օդի վրայ. ահա այդ ազգեցութիւններին պիտի վերաբերուի գլխաւորապէս վերևում դրած հարցերի համառօտ տեսութիւնը:

Ա.

Թթուածնի գիւտը արել են Պրիստլեյ և Զելէ 1774 թուականին: Դրանից մի քանի ժամանակ նետոյ հասարակ փորձերը ցոյց տուին Լավուազիէն, որ թթուածինը օդի կազմիչ մասների մէկն է և որ օդը բարդ մարմին է՝ զագերի խառնուրդ: Նոյն իսկ թթուածին անոնը Լավուազիէն է տուել: Նրա այդ գիւտը պատճառ դարձաւ մեծ յեղափոխութեան քիմիայի և ֆիզիօլոգիայի մէջ և սկիզբ եղաւ նշանաւոր գիւտերով հարուստ մի շրջանի:

Թթուածինը մի գագ է՝ աւելի ծանը քան ինը օդը և վերին աստիճանի կարեռ՝ չնշառութեան

և այրման համար, այսինքն թթուացման²⁾ պրօցէսսների համար: 1000 լիտր^{*)} օդի մէջ պարսմակում է 208 լիտր թթուածին և 792 լիտր բորակածին: Այս թուերը ստացուած են ժամանակակից քիմիայի բազմազան և վերին աստիճանի ճիշտ մեթոդների միջոցով: Այդ հետազոտութիւնները անհրաժեշտ էին, որովհետև մի քանի քիմիկոսներ, որոնց թւում Դալ'տոն և Բարինէ, զուտ տեսական դատողութիւնների վրայ հիմնուելով, կարծում էին, թէ ծովի մակերեսոյթից սկսած քանի բարձրանար՝ այնքան թթուածնի քանակութիւնը օդի մէջ պիտի պակասի: Նրանք ասում էին, որ երկը մակերեսոյթին մօտ գտնուող օդի մէջ թթուածնի քանակութիւնը մի քիչ աւելի պէտք է լինի և բորակածնի քանակութիւնը մի քիչ պակաս, իսկ մթնոլորտի բարձր շերտերում պիտի լինի դրա հակառակը, այսինքն բորակածինը աւելի, իսկ թթուածինը պակաս, այնպէս որ, օրինակ, 10,000 մետր բարձրութեան վրայ՝ 1000 լիտր օդի մէջ, նրանց ասելով, պիտի լինէր փոխանակ 208-ի միմիայն 184 լիտր թթուածին, իսկ բորակածին փոխ. 792-ի 816 լիտր: Բայց Գէլ Լիւսսակ գի-

²⁾ Որևէ տարբերի քիմիական միացումը թթուածնի հետ կոչւում է թթուացում կամ այրում: Նայած քիմիական խնամութեան ոյժին՝ թթուացումը կարող է կատարուել արագ կամ զանդադ: Եթե թթուացման պրօցէսսը արագ է կատարում՝ միշտ առաջանում է մեծ տարութիւն և բոց, և այդ գէպքերին տալիս են զլխաւորապէս այրում անոնը: Վառուած մոմը, լապտերը կամ վառելիքները ներկայացնում են այրման օրինակներ, իսկ երկաթի ժանգոտել՝ զանդադ թթուացման օրինակ:

^{*)} Լիտր = մէկ խորանարդ գեցիմետր:

տնականի 7000 մետր բարձրութիւնից վերցրած օդի անալիզը, որը արել է Թէհարդ, և Դիմայի ու Բուսսէնգոլի կշռական մեթոդով արած փորձերը ցուց տուին, որ այդ հայեցակէտը չէ համապատասխանում իրականութեան։ Եթէ ի նկատի չունենանք բոլորովին աննշան տարբերութիւնները՝ կարելի է ասել, որ օդի կազմուածքը միատեսակ և անփոփոխ է, որքան արդ վերաբերուած է թթուածնի և բորակածնի քանակութիւններին։ Որոշելով թթուածնի քանակութիւնը օդի մէջ զանազան ժամանակ, զանազան բարձրութիւնների վրայ և զանազան տեղ՝ Դիման և Բուսսէնգոլը ստացել են համարեա միենոյն թուերը. չնչին տարբերութիւնները, որոնք եղել են զրանց մէջ՝ գտնուած են փորձերի ժամանակ առաջացած անխուսափելի սխալների սահմաններում ³⁾։ Ուրիշ քիմիկոսներ, ինչպէս Բրուններ, Բենյոլ'յ, Բէյզէր, Գայէր, Բունզէն, զանազան մեթոդների օգնութեամբ հասել են նոյն եղբակացութեան, որը և այդ ժամանակից ի վեր համարւում է պինդ հաստատուած։

Այժմ անցնենք այն հարցին, թէ օդի թթուածինը որտեղից է առաջ զալիս։ Ուր են նրա աղբիւնները։ Այդ տեսակ մի հարց դնելը շատ հասկանալի է, ի նկատ առնելով հետեւեալ փաստերի գոյութիւնը. մի կողմից մենք տեսանք, որ թթուածնի քանակութիւնը օդի մէջ անփոփոխ է. իսկ միու կողմից

³⁾ Անխուսափելի սխալներ համարւում են այն սխալները, որոնք կախուած չեն փորձակատարի գիտութիւնից կամ հմտութիւնից, այլ կախուած են փորձի ժամանակ բանեցրած գործիքների ճշտութեան սահմաններից և ուրիշ հանդամանքներից։

ահազին քանակութեամբ նա գործադրւում է կենդանի էակների չնչառութեան համար և այրման պրօցէսսների վրայ։ Մենք գիտենք, որ օդի մէջ պալունակուած է միլիօն միլիարդից աւելի քիլոգրամ թթուածին ⁴⁾։ որ սա երկրագնդի բոլոր հանքային նիւթերի համարեա կէս ծանրութիւնն է կազմուած։ գիտենք որ ջրի ծանրութեան ^{8/9} մասը ⁵⁾ նրանից է կազմուած և որ նա առատութեամբ պարունակուած

⁴⁾ Մթնոլորտի հաստութիւնը անորոշ է. հաշուում են 50—70 վերաց. երկրագնդի մակերեսութիւ մօտ մթնոլորտը աւելի խիտ է քան բարձրերուած։ Եթէ երկակայենք, որ այդ ամբողջ մթնոլորտից կարելի է կազմել մի չերտ, միմիայն 10 վերաց հաստութեան, բայց միատեսակ խտութեան, և իմանալով օդի կազմը, հաշուենք այդ շերտի մէջ պարունակուող թթուածնի քաշը՝ կատանանք շատ աւելի քան միլիօն միլիլորդ քիլոգրամ։

⁵⁾ Քիմիան ենթադրուած է, որ նիւթը բաղկացած է ատօներեց, այսինքն այնպիսի մասնիկներից, որոնց չէ կարելի այլ և բաժանել աւելի փոքր մտանիկների։ Խրաքանձիր տարր նշանակուած է իւր լատինական անուան սկզբնական տառով կամ երկու առառվ. այդ սկզբնական տառը կամ տառերը միենոյն ժամանակ նշանակուած են և տարրի մի ատօմի քաշը։ Օրէնակ ու նշանակուած է ջրածին, օ—թթուածին։ Ջրի մասնիկը բաղկացած է երկու ատօմ ջրածնից և մէկ ատօմ թթուածնից, ուրեմն ջրի մասնիկի քիմիական ֆորմուլան է—H₂O։ Ջրածնի ատօմի քաշը ընդունւում է քիմիայի մէջ իրրեկ միաւոր, այն ժամանակ թթուածնի ատօմի քաշը գուրս է զալիս հաւասար 16-ի։ Ուրեմն ջրի մասնիկի մէջ կայ 2 քաշ ջրածին և 16 քաշ թթուածին, կամ կարելի է ասել, որ ջրածնի և թթուածնի քաշերի յարաբերութիւնը ջրի մէջ հաւասար է ^{2/16=1/8}. այսինքն եթէ ունինք ջրի յայտնի քանակութիւնը նրա քաշի ^{1/9}-ը կլինի ջրածին, իսկ ^{8/9}-ը թթուածին։

է բոլոր կենդանի էակների հիւսուածքներում: Բայց խակապէս մենք գիտենք թթուածնի միայն մի աղբիւր, որը գտել է Պրիստլէյ և բացատլել են Պարսլվալ' և Սեները. Խօսքս բոյսերի մասին է: Եւ իրաւ, յայտնի է, որ բոյսերը չնորհիւ իրանց մէջ եղած խօռոֆիլի^{*)}, ընդունակութիւն ունին վերլուծել ածխաթթուուն իւր բաղադրիչ մասերին, այն է ածխածնին, որը մտնում է նրանց հիւսուածքների մէջ, և թթուածնին, որը, մնալով աղատ՝ տարածուում է օդի մէջ: Անկասկած, մի շարք քիմիական բէակցիաներ ազատ թթուածնին են առաջացնում, ինչպէս օրինակ, ջրի ելեկտրոլիզը^{**)}, բերտոլէտեան աղի կամ ծծմբաթթուի վերլուծումը տաքացնելու միջոցով. բայց թէ արդեօք այդ իսկ բէակցիաններն են բնական կերպով կայանում և թթուածնին արտադրում, թէ ուրիշ բէակցիաններ՝ այդ մենք չգիտենք: Սակայն եթէ օդի կազմը իսկապէս մնում է միշտ միենոյնք՝ ուրեմն կան յայտնի պրօցէսսներ, որոնց չնորհիւ թթուածնի այն ահագին քանակութիւնը, որը ամեն մի վայրկեան և ամենուրեք երկրագնդի վրայ կլանում է օրգանական և անօրգանական այրմամբ՝ շուտ թէ ուշ էլի վերադառնում է մթնոլորտին: Կարող են արդեօք բոյսերը կատարել ամբողջ այդ քիմիական աշխատանքը: Դա մի հարց է, որը մենք շօշափում ենք՝ չձեռնարկելով նրա լուծմանը: Սակայն ամեն ինչ ակնարկում է, որ բոյսերը իսկապէս կարող են կատարել այդ աշխատանքը:

^{*)} Այն նիւթը, որ տերեներին կանաչ գոյն է տալիս:

^{**) *} Ջրի վերլուծելը ելեկտրականութեան միջոցով:

Թէև թթուածնի սովորական քանակութիւնը օդի մէջ, ինչպէս տեսանք, անփոփոխ է կամ համարեա անփոփոխ՝ բայց չպէտք է մոռանալ, որ նայած այս կամ այն տեղի պայմաններին՝ թթուածնի այդ միջին քանակութիւնը կարող է աւելանալ կամ պակասել: Օդի թթուածնը պակասում է այնպիսի տեղերում, ուր խմբուած են լինում կենդանի էակներ, կամ այն նիւթերի մօտ, որոնք արագ կամ դանդաղ թթուանում են, օրինակ հասարակական գահնիճներում կամ հանքերում. և քիմիական անալիզը իսկոյն պարզում է մեր առաջ այդ երեսոյթը: Ամեն տեղ, ուր թթուածնը կլանում է և միենոյն ժամանակ օդափոխութիւնը լինում է անկատար՝ թթուածնի սովորական քանակութիւնը պակասում է: Բայց այդ բոլորը միմիայն մասնաւոր և տեղային դէպքեր են, որոնք չեն կարող աղլեցութիւն անել մթնոլորտի ընդհանուր կազմի վրայ, ինչպէս չեն ազդում և զրա հակառակ դէպքերը, օրինակ անատոներում, ուր ցերեկները առատօրէն թթուածն է արտադրուում:

Անցնենք այժմ բորակածնին: Այս գաղը, ինչպէս ասացինք՝ գտել է Պրիստլէյ և Լավուազիէն ցոյց է տուել, որ նա մտնում է այն խառնուրդի մէջ, որը յայտնի է օդ անուամբ: Նա աւելի թեթև է քան ինքը այդ խառնուրդը, և քոնում է նրա ծաւալի 0,79 մասը: Նա ինքը չէ այրում, այրմանը չէ նպաստում, նրանով չէ կարելի շունչ քաշել և ուրեմն նա աննպաստ է կեանքի համար^{*)}: Եւ այդ՝ ոչ այն պատճառով,

^{*)} Նրանով շունչ քաշելու տեսակէտից:

որ նա թունաւոր է, այլ այն պատճառով, որ նա անտարբեր է դէպի շնչառութեան պրօցէսը: Մեր տեղեկութիւնները նրա ծագման մասին շատ սահմանափակ են: Մենք միայն գիտենք, որ տաք հանքային ջրերից մի քանիսը, մանաւանդ ծծմբաջրերի աղբիւրները, տարածում են իրանց շուրջը բորակածին: Գիտենք նոյնպէս, որ կենդանիները, կլանելով արտաքին օդը շնչառութեան համար՝ արտաշնչում են նրա բորակածինը—ահա մեր իմացածը: Թթուածինի նրման՝ բորակածնի քանակութիւնն էլ օդի մէջ ամեն տեղ միենոյնն է: Այս երկու տարրերը, թթուածին և բորակածին՝ ներկայանում են այսպիսով իրեւ օդի գլխաւոր և էական կազմից մասեր: Խոկ այն տարրերը, որոնց տեսութեան մենք այժմ կանցնենք՝ պարունակում են օդի մէջ քիչ և փոփոխական քանակութեամբ: Կարելի կլինէր ասել, որ դրանք օդի բոլորին երկրորդական մասերն են, եթէ հետազօտութիւնները ցոյց տուած շլինէին, որ կենդանի էակների կեանքի մէջ նրանք խաղում են նոյնքան կարեւոր դեր՝ որքան և գլխաւոր, հիմնական տարրերը: Այդ լրացուցիչ տարրերից ամենակարևորը հանդիսանում է ածխաթթուն կամ «կալիճային» թթուն, ինչպէս նրան անուանել է Վան Հելմոնտը:

Օդի մէջ նա շատ քիչ քանակութեամբ է պարունակում. 10,000 ծաւալ օդի մէջ գանւում է 4—5 ծաւալ ածխաթթու: Դա մի գաղ է, համեմատարար ծանր, և, ինչպէս ցոյց է տուել գեռ Պրիստլէյ՝ պիտանի չէ ոչ այրման և ոչ շնչառութեան համար:

Նրա քանակութիւնը օդի մէջ անփոփսի չէ. և փոփոխութիւնը աւելի մէծ կախում ունի աեղից և

պայմաններից՝ քան օդի մէջ պարունակուող ուրիշ գաղերի քանակութեան փոփոխութիւնը: Դեռ 1827 թուականին Սօսիւրը մատնացոյց է արել ածխաթթուի քանակութեան նկատելի փոփոխութեան վրայ: Նա ստացել է մի շարք թուեր, որոնք ցոյց են տուել, թէ 10,000 մաս օդի մէջ ածխաթթուի քանակութիւնը փոփոխում է 3,15 մինչև 5,74 մաս: Բուսաէնդոլ՝ և Լէվի ցոյց տուին, որ Պարիզի օդի և Անդիլիի (Մօնմօրանսի մօտ) օդի ածխաթթուի քանակութիւնների մէջ մէծ զանազանութիւնն կայ. բաղաբում 3,19, գիւղում 2,99: Ռուկօի և Մակ-Դուգալի հետազօտութիւնների համեմատ՝ այդ զանազանութիւնը Մանչեստերի և իր շրջակայրի համար աւելի քիչ է. բայց Տրիւշ ստացաւ, 2,03 Բու-Դոմե-ի վրայ և 1,72 Բի-Սան-Տի վրայ:

Այս օրինակները բաւական են ցոյց տալու համար, թէ նրան մեծ է ածխաթթուի քանակութեան փոփոխութիւնը օդի մէջ և նրան գիւղերի և բարձր տեղերի օդը մաքուր է քաղաքների օդից: Մակայն աւելի մօտիկից դիտելով՝ մենք կարող ենք նկատել, որ ածխաթթուի քանակութեան փոփոխութիւնը օդի մէջ կախուած է աեղից և ժամանակից: Սօսիւրը նըկատեց, որ նրա քանակութիւնը աւելանում է գիշերը և ամպամած եղանակներին. Այդ քանակութիւնը փոխվում է նոյնպէս տարուայ եղանակների, ամիսների և տարիների համեմատ, բայց անկանոն կերպով, որովհետո փոփոխութիւնը տեղի է ունենում օր օրի վրայ: Որքան ծովի մակերեսոյթից բարձր գնանք՝ այնքան տարրերութիւնները քիչ կլինին. բարձր սարերի վրայ օդը միատեսակ մաքուր է: Եթէ փոխանակ վեր-

ցնելու փողոցների, դաշտերի կամ սարերի օդը, մենք վերցնենք սենեակի կամ առհասարակ բնակարանների օդը, ուր չկայ ազատ օգափոխութիւն և ուր տեղի են ունենում չնշառութեան և այրման պրօցէսները՝ մենք կաեսնենք աւելի մեծ տարբերութիւններ։ Եւ այդ չպիտի մեզ զարմայնէ, եթէ մտաբերնք այն փաստը, որ արտաշնչուող օդը պարունակում է իր մէջ 100 անգամ աւելի ածխաթթու, քան ներս չնշուողը։ Երեակայենք մի բոլորովին փակ սենեակ, ուր գտնուում են 2—3 մարդ։ Ժամանակի ընթացքում մենք կարող էինք տեսնել այդ սենեակի օդի մէջ ածխաթթուի ամեն մի քանակութիւն։ Իթէ այդպիսի մի փորձը ինքն իրան սահման չդնէր։ Եթէ, ինչպէս նկատել է Պետանկօֆերը, ածխաթթուի բնական քանակութիւնը—0,4 կամ 0,5 մաս 1000 մաս օդի մէջ—կարող է աւելանալ լաւ օդափոխութեան ենթարկուած սենեակի մէջ մինչև 0,54—0,70, կամ մինչեւ 2,4 հիւանդի սենեակում, ուր օդափոխութիւնը վաստ է, և հասնել 3,2-ի լսարաններում, 7,2-ի ուսումնարաններում և մինչեւ անգամ 21-ի ալպեան սարերի գոմերում, ուր մարդիկ և կենդանիները խմբուում են միասին ցրտից պաշտպանուելու,— այդ չէ նշանակում, որ նա կարող է անսահման աւելանալ. վերջը նա հասնում է այն սահմանին, որից աւելի չէ կարող բարձրանալ. մարդիկ և կենդանիները կամաց-կամաց մեռնում են, և ածխաթթուի աւելանալը օդի մէջ ինքն ըստ ինքեան կանգ է առնում։ Նրանց սպանում են ածխաթթուն և թթուածնի պակասութիւնը. այն միջավայրը, որը պարունակում է 4%-% աւելի ածխաթթու և 16%-% պակաս թթ-

12051

թուածին (այդպէս է արտաշնչուող օդի կազմը)՝ կեանքի համար անպէտը է։ Մենք սախպուած կլինինք վերաբառնալ այդ հարցին, երբ կխօսենք այն մասին, թէ ինչ նշանակութիւն ունի ածխաթթուն կեանքի համար, իսկ այստեղ բաւականանք ցոյց տալով, թէ մինչև որ աստիճան կարող է աւելանալ ածխաթթուի քանակութիւնը փակուած աեղերում և որքան այդ քանակութեան փոփոխականութիւնը աւելի է թթուածնի և բորակածնի քանակութիւնների փոփոխականութիւնից։ Այդ փոփոխականութիւնները սերտ կապ ունին այն փոփոխութիւնների հետ, որոնք տեղի են ունենում ածխաթթուի գոյանալու ժամանակ և դրա մասին մենք ունինք բաւականին մանրամասն տեղեկութիւններ։ Եւ իրաւ, ածխաթթու գոյացնող աղբիւրներ շատ կան։ Մենք կողմնակի կերպով միայն մատնացոյց արինք նրանցից մէկի վրայ—մարդկանց և կենդանիների վրայ։ Բոլոր կենդանիները, կամ աւելի լաւ է ասել, բոլոր կենդանի էակները ածխաթթու արտադրողներ են։ Խսկ-որ, նրանք բոլորն էլ շտուն քաշում, թէն չնշառութեան ոյժը բազմազան է. իսկ չնշառութիւն՝ քիմիական տեսակէտից նշանակում է մարմնի ածխածնի մի մասի միաւորումը օդի թթուածնի համապատասխան քանակութեան հետ. իբրև այդ միաւորութեան հետեանք ստացուող ածխաթթուն հեռացնում է թթուերի միջոցով։ Ածխաթթուի այն քանակութիւնը, որը միշտ արտադրում են այս կամ այն կենդանի էակները—կենդանիները և բոյսերը, (որոնք կենդանիների նման նոյնպէս շունչ են քաշում)—անկասկած փոփոխական է. այդպէս, օրինակ, յայտնի է, որ միենոյն տեսակի կենդանիների մէջ

ՀՀ 70 ՏԿ



արուն աւելի շատ ածխաթթու է արտադրում, քան
էզը, շափահաս օրգանիզմը աւելի, քան երիտասարդը
և ծերը, ուժեղը աւելի, քան թոյլը և այլն... Ամեն ոք
գիտէ նոյնպէս, որ ածխաթթուի գոյացումը աւելա-
նում է մարմնամարդութեան և շարժումների ժամա-
նակ, արեգակի աղղեցութեան տակ, սննդառութեան
ժամանակ, և պակասում է հանգստութեան ժամանակ,
մութ ժամանակ և սննդի քչութիւնից: Կարելի է ա-
սել, որ միջին թուով մարդս արտաշնչում է մի ժա-
մում 20 լիտր, և այդ կազմում է մի օր ու գիշերում
համարեա մի քիլոգրամ: Ոչխարները արտաշնչում
են ևո աւելի, իսկ եղները համանման պայմաններում
արտաշնչում են 7 մինչև 8 քիլոգր.: Բայց որպէսպի
աւելի լաւ բացատրուի կենդանիների արտադրած ած-
խաթթուի քանակութիւնը՝ հարկաւոր է ուրիշ կերպ հա-
շումել նրան. հարկաւոր է իմանալ, թէ կենդանու բաշի մի
քիլոգրամը նրան ածխաթթու է արտադրում. զրա
համար՝ արտադրած ածխաթթուի ընդհանուր քա-
նակութիւնը բաժանում են այն թուի վրայ, որը ցոյց
է տալիս, թէ քանի քիլոգրամ է քաշում ինքը կեն-
դանին, և ասում են, որ ձիու, եղան կամ բաղի մի
քիլոգրամը արտադրում է մի օր ու գիշերում այս-
քան կամ այնքան ածխաթթու: Այդպէս վարուելով
մենք կգտնենք, որ թռչունները ամենից ուժեղ
կերպով են ածխաթթու արտադրում:

Եղան մի քիլոգրամը արտադրում է օր ու գի-
շերում 3—7 զրամ ածխաթթու. տնային հասի կամ
հնդկահասի մի քիլոգրամը արտադրում է 20 զրամ.
վառեկի մի քիլոգրամը—56, ծախնը—60 զրամ;
Այս փաստերը չպիտի մեզ զարմացնեն. թռչուննե-

րի շնչառութեան ոյժը շատ մեծ է և այդ պատճա-
ռով էլ արտադրուղ ածխաթթուի քանակութիւնը
շատ է:

Բուսաէնգոլը վաղուց արդէն հաշուել է, որ Պա-
րիզում մարդիկ և ձիերը արտադրում են օր ու գի-
շերում մինչև կէս միլիոն խորանարդ լիտր ածխա-
թթու. այժմ այդ թիւը աւելի մեծ է, և եթէ երկա-
գնդիս ընակիչների թիւը հաշուենք մի միլիարդ՝
կարելի է գալ այն եղակացութեան, որ մարդը ին-
քը միայն տալիս է մթնոլորտին մի միլիարդ քիլո-
գրամ կամ 480 միլիոն խորանարդ լիտր ածխաթթ-
ու մի օր ու գիշերում, որ նշանակում է 175,200
միլիոն խորանարդ մետր մի տարում: Բաւական գը-
ժուար է ճշտութեամբ ասել, թէ նրան ածխաթթ-
ու են արտադրում կենդանիները, բայց հաւանական
է, որ նրանք արտադրում են երկու-երեք անգամ աւե-
լի քան մարդիկ, և ժիրարդէնի արած հաշուի հա-
մեմատ, մենք կարող ենք ընդհանրապէս անել, որ
կենդանիները և մարդիկ տալիս են տարեկան 700
միլիարդ խորանարդ մետր: Մըս վրայ աւելացնենք
և բայսերի գործունէութիւնը, որոնք կինդանիների
նման շռնչ են քաշում և ածխաթթու արտաշնչում:
Յետոյ ածխաթթուի մեծ քանակութիւնը, որ գոյա-
նում է փայտի, քարածուխի, մի խօսքով ամեն մի
փառելիքի այրուելուց (իսկ երոպայում ստացւում և
գործադրուում է տարեկան աւելի քան 500 միլիոն
տոնն *): Դրանից ստացւում է 80 միլիարդ խո-
րանարդ մետր ածխաթթու: Աւելացնենք նոյնպէս և

*.) Մի տոննը=մօա 60 փութ:

այն, որ նա կամաց-կամաց գոյանում է ամենուրեկք երկիս մակերևոյթի վրայ, ուր միշտ տեղի է ունենում բուսական օրգանիզմների փառմը: — Ուշադրութիւն դարձնենք նոյնպէս հանքային աղբիւրների վրայ, հրաբուղիմների և նրանց շրջակայքի վրայ: Միայն Կոտոպչին, Բուսսէնգոլի ասելով, աւելի ածխաթթու է տալիս, քան ամբողջ Պարիզը: Ի նկատի առնենք այդ գաղի բնական աղբիւրները, որոնք գուրս են գալիս երկրի խորքերից, ինչպէս զան Քարայրը Նէապոլում և այդ տեսակ ուրիշ տեղեր, —և բոլորովին չենք զարմանայ, եթէ Գոտիէն գալիս է այն եղբակացութեան, որ մի տարում ատացուող բոլոր ածխաթթուի քանակութիւնը հաւասար է 2500 միլիարդ խորանարդ մետրի, և պէտք է ասել, որ այս հաշիւը դեռ իրականից պակաս է և իրական թուերը աւելի բարձր են:

Ծանօթանալով ածխաթթուի այդ ահագին քանակութեան հետ, որը թէ գոյանում է և թէ դուրս է գալիս զանազան աղբիւրներից՝ կարելի է զարմանալ, թէ որքան քիչ է նրա համեմատական քանակութիւնը մթնոլորտի մէջ: Կարելի է երեակայել, թէ ինչ սարսափելի չափի կհասնէր այդ քանակութիւնը 10, 20 կամ 100 տարում և որքան նա կուսարեր կլինէր կենդանի էակների համար՝ եթէ չկինէին այդ գաղը հեռացնող որևէ պատճառներ: Յիբաւի, կան զօրեղ մեխանիզմներ, որոնց օգնութեամբ այդ գաղը հեռացնում է օդից համարեանոյն քանակութեամբ՝ որքան որ արտադրում է: Մեզ յայտնի են երեքը դրանցից. կենդանիները, բոյսերը և ծովը: Ամենից առաջ մատնացոյց անենք բոյսերի

վրայ, որոնք չունելիս թէև արտաշնչում են ածխաթթու, բայց դրա փոխարէն կլանում են նրան սննդառութեան ժամանակ: Նրանք կլանում են այդ գաղը և վերլուծում իր բազադբիչ մասերին—ածխածնի, որը միանում է նրանց հիւսուածքների հետ, և թթուածնի, որը վերադառնում է մթնոլորտի մէջ: Բոյսերը կարող են համարուել թթուածնի իսկական արտադրողները:

Յետոյ գալիս են ողնաւոր և կրային զրահ ունեցող կենդանիները. դրանք, ինչպէս օրինակ մօլլիսկները, բուստերը և առհասարակ համարեա բոլոր թէ ծովային և թէ ցամաքային կենդանիները կլանում են ածխաթթու-կիր (ածխաթթուի և կրի որոշ միաւորութիւնը), որը նրանց մահից յետոյ մնում է իրքի ոսկոր կամ կրային կմախր: Նայենք, յիրաւի, աստղակերպ կամ մի որևէ ուրիշ բուսափ ծովաժայուին, չափենք կրաքարերի շերտերը, որոնք հասնում են երեմն հսկայական հասաւթեան, գտնում են բոլոր գէօլօգիկական ֆօրմացիաներում և բազկացած են միծ մասամբ կենդանիների կմախքների մնացորդների կուտակումներից: Վան Դեշէնը հաշուել է, որ քարածիային ֆօրմացիայի կրաքարերի շերտերը պարունակում են վեց անգամ աւելի ածխածին՝ քան մեր այժմեան մթնոլորտը, և այդ առիթ տուեց ամերիկացի գէօլօգ Sterry Hunt-ին ենթադրելու, որ պիտի գոյութիւն ունենայ ածխաթթուի որևէ մի ուրիշ աղբիւր, այն է միջաստղային արածութիւնը: Ածխաթթուի այն քանակութիւնը, որը գտնում է կրաքարերի շերտերում, այնքան ահագին է, որ եթէ նա բաժանուէր և անցնէր մթնոլոր-

տի մէջ՝ այնքան մեծ ճնշում կառաջանար, որ ածխաթթուի մեծ մասը այդ ճնշման տակ հեղուկ կը դառնար, կամ մինչև անգամ կկարծրանար:

Վերջապէս ծովը նոյնպէս կատարում է ածխաթթու կլանողի և նրա քանակութեան չափը կանոնաբողի դեր և այդպիսով յայտնի սահման է դնում նրա կուտակմանը օդի մէջ: Ալէզինզի գեղեցիկ աշխատութիւնները յիրաւի ցոյց տուին, որ ծովի ջուրը պարունակում է իր մէջ մեծ քանակութեամբ լուծուած ածխաթթու և աւելի շատ քան ինքը մըթնողարտն է պարունակում: Եթէ պատահում է, որ ածխաթթու աւելի շատ է գոյանում, քան այն քանակութիւնը, որը կենդանիները և բոյսերը կարող են կլանել, և չնորհեւ դրան ածխաթթուի քանակութիւնը օդի մէջ աւելանում է՝ այդ դէպքում նրա մի մասը լուծում է ծովի ջրի մէջ և միանալով այստեղ՝ շլուծուող ածխաթթու-կրի հետ՝ կազմում է կրկնածխաթթու-կիր, որը ջրի մէջ լուծուող է: Եւ ընդհակաւակը, երբ ածխաթթուի քանակութիւնը օդի մէջ պակասում է՝ ջրի մէջ լուծուած կրկնածխաթթու-կիրը բաժանում է ածխաթթու-կրի և ածխաթթուի, որը և գուրս է գալիս ջրից ու խառնում օդի հետ: Մի խօսքով, երբ մթնոլորտի մէջ գտնուող ածխաթթուի ճնշումը հաւասար է ծովի ջրի մէջ գտնուող նրա լուծուածքի ճնշման՝ այն ժամանակ ոչինչ չէ կատարում. բայց հէնց որ այդ ճնշումների հաւասարակշռութիւնը խախտում է՝ ծովը իսկոյն վերականգնում է նրան այդ տեսակ մի հասարակ քիմիական պրոցեսի օգնութեամբ: Պէտք է ասել, որ ծովը գլխաւորապէս այն պատճառով է ըն-

դունակ վերականգնելու այդ հաւասարակշռութիւնը, որ նրա մէջ պարունակում է ածխաթթուի աւելի մեծ քանակութիւն, քան մթնողորտում: Ջէզինզը պնդում է որ ծովի ջուրը պարունակում է 10 անգամ աւելի ածխաթթու քան մթնողորտը: Որքան էլ մեծ լինի վերև յիշուած գործօններից առաջացած ածխաթթուի քանակութիւնը երկրագնդի մակերեսոյթի վրայ՝ մենք կարող ենք հաւասարած լինել, որ ածխաթթուի համեմատական քանակութիւնը օդի մէջ կարող է ենթարկուել միայն աննշան աստիճանի փոփոխութեան, չնորհիւ ծովի և նրա ընդունակութեան՝ կանոնական կանոնաւորել մթնողորտում գտնուող ածխաթթուն:

Քիմիական տեսակէտից՝ անվիճելի է, որ թթուածինը, բորակածինը և ածխաթթուն օդի ամենակարեւոր տարրերն են: Բայց կան և ուրիշ մարմիններ, որոնք սովորաբար լինում են մթնողորտի մէջ, ինչպէս օրինակ ա) Ամմիակը, որի քանակութիւնը օդի մէջ, G. Vill-ի որոշման համեմատ՝ շատ քիչ է, այն է մի միլիոն քիլոգրամ օդի մէջ 24 գրամ. բ) Բորակածնի թթուն, որը կարելի է նկատել անձրեկի ջրում (1-ից մինչև 10 միլիգրամ մէկ լիտր ջրի մէջ). գ) Օղոն, մթնողորտի ելեկտրականութեան աղդեցութեան տակ խտացած թթուածին: Բայց իսկապէս, այս գաղերի քանակութիւնը օդի մէջ շատ աննշան է, և մենք այժմ չպիտի կանգ առնենք նրանց վրայ, թէև նրանց գերը կենդանի էակների կեանքում բաւական որոշ է: Նրանց մասին մի քանի խօսք կասենք մի քիչ յետոյ:

Բ.

Այժմ, երբ մենք ծանօթացանք օդի տարբերի հետ, նրանց համեմատական քանակութեան հետ օդային խառնուրդի մէջ, նրանց գոյանալու և անհետանալու հետ, այսինքն նրանց մէջ հաւասարակշռութիւն պահպանող միջոցների հետ, և հաշում ենք համարեաընդուած այն փաստը, (որը սակայն վիճելի են համարում, թէպէտ այդ առանձին մի նշանակութիւն չունի մեզ հետաքրքրող հարցի համար), որ օդի կազմը վերև ցոյց տուած սահմաններում մնում է անփոփոխ, և վերջապէտ, երբ ցոյց տուինք, թէ ինչ զեր են կատարում կենդանի էակները մթնոլորտի կեանքում՝ մենք կարող ենք անցնել այն զերի ուսումնասիրութեան, որը խաղում է օդը կենդանի էակների կեանքում։

Հարցին պարզ ձև տալու համար՝ ուսումնասիրնք օդի իւրաքանչիւր կազմիչ տարբի դերը առանձին։

Այն գագլ, որից զլիսաւրապէս կախում ունին կեանքի պրօցէսները՝ թթուածինն է. նրանից և կոկսենք մենք։ Ամեն ոք զիտէ, որ նա անհրաժեշտ է մարդկանց և կենդանիների շնչառութեան հարար. այդ ճշմարտութիւնը մինչեւ անգամ սովորական է դառնել։

Եւ ճշմարիտ, թթուածինի գտնելու ժամանակից ի վեր ֆիզիօլոգները շատ պարզ կերպով ցոյց են տուել, թէ նրան օգտաւէտ է այդ գաղը։ Առանց նրան չկայ չնշառութիւն, նշանակում է չկայ և կեանք։ Մարդը նրան կլանում է մեծ քանակութեամբ.

Ներս չնշուող օդը պարունակում է 20-ից մինչև 21 ծաւալ թթուածին, իսկ արտաշնչուողը միմիայն 16: Ուրեմն 4 ծաւալը կլանել է օրգանիզմը, և ալդախով օր ու գիշերում մենք կլանում ենք աւելի քան 740 գրամ, այսինքն 516,500 խորանարդ սանտիմետր, որը կազմում է օրական 500 միլիօն խորանարդ մետր ամբողջ մարդկութեան համար։ Թթուածնի վերաբերեալ մեր պահանջները փոխում են. երեխան և ծերը կլանում են նրան աւելի քիչ քան երիտասարդը. վերջինս, օրինակ, կլանում է 914 գրամ օր ու գիշերում, մինչդեռ ուժ տարեկան երեխան բաւականանում է 375 գրամով։ Բացի զբանից, այդ քանակութեան վրայ նշանաւոր ազդեցութիւն ունին և ան ուրիշ հանգամանքներ։ Առողջութեան աստիճանը, սեռը, արտաքին օդի բարեկամանութիւնը, հանգստութիւնը կամ շարժուածքը, նայած հանգամանքներին, աւելացնում են կամ պակասեցնում թթուածնի գործադրութիւնը։ Մենք կլանում ենք թթուածինը մեր հիւսուածքների համար, և նրա գլխաւոր մասը հասցնում է այդ հիւսուածքներին թոքերի և արեան օգնութեամբ։ Թէկ մեր մորթն էլ կլանում է թթուածին, բայց շատ քիչ քանակութեամբ, այն է՝ թոքերի միջոցով կլանուածի $1/80$ մասը։ Բոլոր կենդանի հիւսուածքները թթուածնի կարիք ունին. նրանք բոլորը շունչ են քաշում։ Առ հասարակ չպիտի մուանալ, որ թոքերը միայն մի գործիք են շունչ քաշելու համար, իսկ այն քիմիական պրօցէսը, որը չնշառութեան էութիւնն է՝ կատարում է ուրիշ տեղ, այն է հիւսուածքների մէջ։ Հակառակ անցեալ դարի ֆիզիօլոգների և նոյն իսկ էակուազիէի կարծիքին՝ թո-

քերը միայն մի դուռ են, որով կենդանալրար գաղը
մտնում է օրգանիզմի մէջ:

Ճշշառութեան պրօցէսի հիմքը կաղմում է զուտ
քիմիական մի բէակցիա. օդի թթուածինը թոքերում
գտնուող մազային անօթների շատ բարակ պատերով
ներս է մտնում և հանդիպում այնաեղ արեան կար-
միկ գնդակների մէջ գտնուող մի նիւթի, որ կոչ-
վում է հէմօգլօրին: Այդ նիւթը շնորհիւ թթուածնի
հետ ունեցած իր քիմիական խնամութեան՝ տիրում է
նրան և տանում հետը դէպի օրգանիզմի զանազան
մասերը, որպէսզի այդպիսով նիւթ տայ քիմիական
բէակցիաներին, կամ մասնաւորապէս ասած՝ թթուաց-
մանը, որը միշտ տեղի է ունենում բջիջներում և նը-
րանցից կազմուած հիւսուածքներում ու գործարան-
ներում: Իրեւ հետեանք այդ թթուացման՝ առաջ է
գալիս ածխաթթուն, որը այդպիսով կազմում է օդի
թթուածնից և հիւսուածքների ածխածնից: Ուկեմն
արեան դերը այն է, որ նա բերում է հիւսուածքնե-
րի համար անհրաժեշտ թթուածինը և հեռացնում է
նրանցից ածխաթթուն, որը եթէ կուտակուէր նրանց
մէջ՝ մահ կապատճառէր նրանց:

Ճշշառութինը բոլոր կենդանիներին վերաբ-
երեալ ընդհանուր երկոյթ է, բայց նրա ոյժը շատ զա-
նազան է. ամենաուժեղը թոշուններինն է, յետոյ
կաթնակերներինը, յետոյ սողուններինը կամ մօլիւսկ-
ներինը. բայց առ հասարակ շարժուն կենդանին
պահանջում է աւելի շատ թթուածին, քան անշարժը
կամ քնածը, լիթարգիայի կամ ձմրան քնի ենթար-
կուածը: Այսպէս թէ այնպէս՝ բոլոր կենդանիները
շունչ են քաշում, բոլորը թթուածնի կարիք ունին, և

եթէ թթուածինը պակասում է՝ նրանք մեռնում են:
Միւնոյնն է և բուսական աշխարհում:

Ի հարկէ, բոլոր իր մննդառութեան ժամանակ
թթուածին է արտադրում, բայց ճնշառութեան ժա-
մանակ էլի կլանում է նրան, ինչպէս ցոյց տուեց
Պրիստլէյ: Այստեղ էլ այդ պրօցէսի ոյժը փոփոխա-
կան է. բոյսը սերմից դուրս գալու ժամանակ պա-
հանջում է թթուածնի աւելի մեծ քանակութիւն, և
այդ է պատճառը, որ շատ սերմեր չեն կարող զար-
գանալ զրի մէջ, ուր թթուածնի մուտքը սահմանա-
փակ է, չեն կարող զարգանալ նոյնպէս պնդած հողի
մէջ, ուր օդը գժուաբութեամբ է մտնում: Կան սեր-
մեր, որոնք պիտի ստանան իրանց քաշի մի հարիւր-
երորդականի չափ թթուածին. ուրիշները բաւակա-
նանում են մի հազարերորդականով կամ մի երկու-
հազարերորդականով, բայց բոլորն էլ թթուածնի կա-
րիք ունին: Նա անհրաժեշտ է բոյսի համար աճելու
ժամանակ, բայց մանաւանդ հարկաւոր է ծաղկելու
ժամանակ, երբ քիմիական բէակցիաները բոյսի մէջ
այնքան արագ և ուժեղ կերպով են ընթանում, որ
նկատում է մինչև անդամ մեծ քանակութեամբ տա-
րութիւն:

Իրանց կեանքի բոլոր բոպէններում բոյսերը
թթուածին են կլանում. այդ է պատճառը, որ մենք
խոյս ենք առաջ նրանց մեր ընակարաններում մեծ
քանակութեամբ պահելուց, մանաւանդ գիշերները,
երբ նրանք միայն ածխաթթու են արտադրում, իսկ
թթուածին արտաշնչելը տեղի է ունենում, ինչպէս
յայտնի է՝ ցերեկով: Նրանք շունչ են քաշում մինչև
անդամ և այն դէպերում, երբ թուում է թէ նրանք

մեռած են. բոյսից կարած ծաղիկները, տերևները, պտուղը, երբ դնում ենք օդով լիքը մի փակ անօթի մէջ՝ կեանում են այլտեղի օդի թթուածինը և արտադրում ածխաթթու։ Դրէք բոյսը թթուածնից գուրկ միջավայրի մէջ, և նա իսկոյն կմեռնի։

Այսպէս ուրեմն առանց թթուածնի չկայ կեանք նշ կենդանիների և ոչ բոյսերի համար։ Այդ է այն եղբակացութիւնը, որին հասել է գիտութիւնը գեռ լավուազիէի գիւտի ժամանակից։

Ոմանք կարող են գալ շտապ եղբակացութեան, թէ որքան շատ լինի թթուածինը՝ այնքան կեանքը ինտէնսիվ լինի, և որտեղ օդի պակասութիւն է զգացում՝ այնտեղ էլ կեանք չի լինի։ Բայց 15—20 տարի սրանից առաջ, Պօլ'-Բէրի և Պաստերի արած հետազօտութիւնները անպայման ապացուցեցին, որ այդ երկու եղբակացութիւններն էլ շատ սխալ են։ Կենդանի էակները յարմարուած են ապրելու՝ $\frac{1}{4}$ թթուածին և $\frac{3}{4}$ ազօտ պարունակող մժնոլորտում։ Փորձը մեզ ցոյց է տուել, որ իթէ փոխենք այդ խառնուրդի կազմուածքը, պակասեցնելով թթուածինը, օրինակ $\frac{1}{4}$ -ով՝ այդ դէպքում թթուածնի մնացածքանակութիւնը բաւական չէ կեանք պահպանելու համար, այս բառի լայն մաքով։ Ինչպէս տեսնում ենք՝ կենդանի էակների մժնոլորտին յարմարուելու սահմանները շատ նեղ են, ուստի ամեն-մէկը իրաւունք ունի հարցնել, թէ արդեօք չի վնասի կեանքին և հակառակ երևոյթը, այսինքն թթուածնի առատութիւնը։

Պօլ'-Բէրը գլխաւորապէս աշխատել է այդ հարցը վճռել, և նրա հետազօտութիւնները պարզել են

առաջին անգամից բոլորովին տարօրինակ երևացող մի փաստ, բայց որը զարմանալի չի թուի նրան՝ ով միշտ ի նկատի ունի միջավայրին յարմարուելու գաղափարը, այսինքն այն հանգամանքը, որ կենդանի արարածները միշտ յարմարուում են այն միջավայրին, որը նրանք ընակում են։ Փաստը այն է, որ թթուածինը, այդ կենդանարար գաղը, միենայն ժամանակ և զօրաւորագոյն թոյն է թէ բոյսերի և թէ կենդանիների համար, թէ առանձին բջիջների և թէ ամբողջ օրգանիզմի համար։ Բաւական է, որ թթուածնի քանակութիւնը օդի մէջ հասնի յայտնի սահմանի՝ և օդը դառնուում է մահարեր։ Այդ փաստը կարելի է ստուգել երկու ձևով. կարելի է կենդանին կամ բոյսը ենթարկել մժնոլորտի աւելացրած ճնշման կամ հարկադրել նրանց ապրել արուեստական օդի մէջ, որի մէջ թթուածնի քանակութիւնը աւելացրած է. երկու դէպքումն էլ նկատում են միատեսակ երեւոյթներ և շուտով մահ է տուած գալիս։ Այդ երեւոյթի պատճառը բոյսերի վերաբերմամբ դեռ յայտնի չէ. բայց Պօլ'-Բէրը ապացուցեց, որ թթուածնով շատ հարուստ մժնոլորտում կենդանին մեռնում է՝ երբ թթուածնի քանակութիւնը նրա արեան մէջ մի երրորդականով աւելանում է բնականից, որովհետեւ այդ տեսակ մժնոլորտի մէջ արեան հէմօզլօրինը թթուածնով յագենում է, իսկ այդ երեսոյթը երբէք տեղի չէ ունենում բնական պայմանների մէջ, և բացի դրանից, թթուածնի մի մասը լուծում է մինչև անգամ արեան շիճակի մէջ։ Այդ իսկ արեան մէջ լուծուած թթուածինն էլ դառնում է մահացու երկոյթների պատճառ։ հիւտածքները, շփուելով այդ լուծուած

ազատ թթուածնի հետ՝ մեռնում են: Այսպէս է կատարւում երեսյթը, բայց դրա պատճառը դեռ այնքան էլ պարզ չէ մեզ համար: Մասնացոյց անենք միայն այն երեսյթի վրայ, որ հիւսուածքները չեն կարող տանել ազատ թթուածինը, իսկ ընդունում և շահագործում են նրան կողմնակի միջոցով, այն է՝ սահնալով արեան կարմիր գնդակներից, ուր նա ազատ չէ լինում, այլ հէմօգլորինի հետ միացած: Մի խօսքով՝ հիւսուածքների շնչառութիւնը կատարւում է անուղղակի կերպով, և ազատ թթուածնի ներկայութիւնը նրանց համար անտանելի է:

Սակայն այդ չէ խանգարում թթուածնին ծառայել իրեն ազդու բժշկական միջոց. ուրիշ թոյների նման՝ նա էլ, եթէ գործադրուում է յայտնի քանակութեամբ՝ բարերեր ազդեցութիւն է անում օրդանիզմի վրայ:

Առ հասարակ արեան մէջ գտնուող նրա բնական քանակութեան և կեանքի համար անպայման վնասակար քանակութեան մէջ գտնուում են մի շարք միջին քանակութիւններ, որոնք բժշկական տեսակետից քիչ թէ շատ փրկարար ազդեցութիւն են անում:

Այն փաստը, որ թթուածնի աւելորդ քամհակութիւնը թունաւոր յատկութիւն ունի՝ վերջին ժամանակներս գտնուած ամենահետաքրքիր երեսյթներից մէկն է և այնպէս լիակատար պարզուած է, որ նրա մասին չէ կարող լինել ոչ մի կասկած:

Միւս կոպմից՝ բոլորովին ճիշտ չէր լինի, եթէ ասէինք, թէ ուրիշթթուածին չկայ՝ այնտեղ կեանք էլ չէ կարող լինել: Պաստերի հետազօտութիւնները ցոյց տուին, որ եթէ միկրօբներից մի քանիսը կա-

րող են ապրել միայն օդի ներկայութեամբ՝ ուրիշները (նա նրանց անուանեց անաէրօբներ) ընդհակառակը աւելի լաւ են ապրում այնպիսի տեղերում, ուր օդը բացակայում է: Այդ վերաբերում է այն միկրօօրգանիզմներին, որոնք առաջ են բերում խմորման երեսյթներ: Նրանք խմորում են առաջ ըերում միայն այն գէպքում, երբ միջավայրը, ուր նրանք գտնուում են՝ թթուածնից զորկ է, և Պաստերը իրաւունք ունէր ասելու, թէ «լսուածը մի հետեւանք է կեանիր՝ առանց օդի»:

Սակայն ի՞նչ է կատարւում խմորման ենթարկուած միջավայրում: Որիէ առանձին մի միկրօբ (իսկ յայտնի է, որ ամեն մի խմորում ունի իր առանձին միկրօբը), որ գալիս ընկնում է մի միջավայր, օդի, ջրի միջոցով, կամ ուղղակի մտցնուում է արուեստական միջոցով՝ մի առ ժամանակ ապրում է միջավայրում գտնուող թթուածնով: Յետոյ կամաց-կամաց ազատ թթուածինը անհետանում է, որովհետև միկրօբը նրան լլանել է: Բայց միջավայրը էլի թթուածին է պարունակում իր մէջ, թէև ոչ ազատ, այլ քիմիապէս միաւորուած ուրիշ տարրերի հետ: Միկրօբը ընդունակութիւն ունի խլել թթուածինը այդ միացումներից և իրացնել. և որովհետև նա կարող է այդ անել միայն քանդելով թթուածնի և նրա հետ միացած տարրերի քիմիական կապը՝ ուստի ազատ մնացած տարրերը բաժանուում են և առաջ ըերում խմորման պրօցէսի լնորոշ երևյթները:

Այդպէս, օրինակ, շաքարային նիւթերի (եղէզնի կամ խաղողի շաքար) խմորման ժամանակ, երբ նրանք փոխւում են սպիրտի՝ միկրօբը խլում է շաքարից նրա

մէջ պարունակուող թթուածնի մի մասը և այդպի-
սով բաժանում է շաքարը սպիրալ և ածխաթթուի,
որը գուրս է գալիս:

Կարելի է հարիւր այդ տեսակ օրինակներ բե-
րել, և դրանք բոլորը ցոյց կտան, որ ամեն տեղ, որ
տեղի է ունենում խմորման պրօցէս՝ գտնում է և
միկրոր, որը չգտնելով իր համար ազար թթուա-
ծին՝ խլում է նրան շրջապատող նիւթերից, վեր-
լուծում է նրանց նոր նիւթերի, որոնք թէ բաղկա-
ցած են լինում մասամբ էլի հին նիւթերի տարրե-
րից՝ բայց այդ տարրերը նրանց մէջ ուրիշ կերպով
են լինում դասաւորուած։ Դրանից հետևում է, որ
անաէրօր միկրոբները, որոնք ըստ երկոյթին, ամե-
նից աւելի են վախենում օդի հետ շփուելուց՝ ուրիշ
կենդանի էակների նման շունչ են քաշում նոյնպէս
թթուածնով։ Այդ ցոյց է տալիս, որ կեանքը հնա-
րաւոր է և այնպիսի տեղ, որ ազար թթուածին չը
կայ, և եթէ մի տեղ կայ կեանք կենդանի էակների
համար՝ ուրեմն պարզ է, որ թթուածին ձեռք բերե-
լու համար գտնուել են այս կամ այն միջոցները։
Անաէրօր միկրոբները միակ օրինակը չեն, որ կար-
ծել են տալիս, թէ ընդհանուր օրէնքից բացառու-
թիւն են կազմում։ Նրանց և ազար թթուածին պա-
հանջող միկրոբների մէջ կան բազմաթիւ միջին տե-
սակներ, և մենք չենք մոնի աւելորդ մանրամասնու-
թիւնների մէջ՝ ցոյց տալու համար, թէ այստեղ զա-
նազանութիւնը միմիայն աստիճանի մէջ է։ Բաւական
է յիշեցնել, որ բուսական բջիջները միենոյն ժամա-
նակ աէրօր են և անաէրօր, որովհետև նրանք ընդու-
նակ են սպիրտային խմորումն առաջացնելու։ Գցենք

ճակնդեղը ածխաթթուի մէջ, ասում է Դիւկը, և մենք
կնկատենք, որ գոյանում է սպիրտ։ Միւնոյնը կը
լինի՝ եթէ զցենք սալոր, կեւաս, խնձոր և առհասա-
րակ որևէ շաքար պարունակող միրզ կամ մինչև ան-
գամ շաքար պարունակող մի ամբողջ բայս։ Դրանց
միջի շաքարը մասամբ կփոխուի նոյնպէս սպիրտի
և ածխաթթուի։

Այդ նոր երեսոյթի մէջ բջիջների և խմորում ա-
ռաջ բերող օրգանիզմների տարրերութիւնը նրանումն
է, որ առաջինների՝ առանց օդի ապլելու ընդունա-
կութիւնը աւելի նուազ է, խմորման պրօցէսը, որ
նրանք առաջ են բերում, սահմանափակ է՝ և նրանց
կեանքը կանգ է առնում կամ վերջանում է նախ քան
բոլոր շաքարը կարողանում է կերպարանափոխուել։
Բայց ակնյայտնի է, որ այդ տարրերութիւնը միմիայն
աստիճանի մէջ է։ Այդ վաստերը աւելի ևս քիչ կը
զարմացնեն մեղ՝ եթէ յիշենք Պօլ’-Բէրի գտած երե-
ւոյթները, որոնց մասին առաջ խօսել ենք։ Եւ ճշ-
մարիտ, միթէ մենք չտեսանք, որ նոյն իսկ կեն-
դանի հիւսուածքները անաէրօր են։ Միթէ չտե-
սանք մենք նոյնպէս, որ արեան շիճուկի մէջ լու-
ծուած թթուածինը միայնում է նրանց, և որ թթ-
ուուածինը շահագործելու համար հիւսուածքները
պիտի ընդունին նրան միմիայն հէմօգլոբինից, որի
հետ նա միացած է լինում։ Այդպիսով, առանց օդի
ապլելու ընդունակութիւն ունին թէ միկրոբներից մի
քանիք և թէ կենդանիների հիւսուածքները։ Բայց
և այնպէս զբանք բոլորն էլ թթուածնի կարիք ունին։
Ուրեմն մեղ մնում է զալ այն եղբակացութեան,
որ կեանք չէ կարող լինել ոչ թթուածնի կատարեալ

բացակայութեան դէպքում և ոչ նրա մեծ քանակութեան դէպքում:

Անցնենք այժմ բորակածնին (ազօտ—մահածին): Նրա անունը բնորշում է նրա յատկութիւնները. նա անընդունակ է կեանք պահպանելու, և եթէ նրա մէջ գցենք կենդանին կամ բռոյսը՝ նրանք իսկոյն կը մեռնեն: Բայց այդ չէ նշանակում, որ ազօտը թունաւոր է. մենք մեծ քանակութեամբ ներս ենք չնշում նրան առանց առանձին վնասակար հետևանքի. բայց նա իներտ է, անօգուտ է, այրմանը չէ նպաստում և ինքը չէ այրում: Ուրեմն շնչառութեան պրօցէսում նա ոչ մի դեր չէ խաղում և կթուէր թէ նրա ներկայութիւնը օդի մէջ միայն այն նշանակութիւնն ունի, որ թուլացնում է թթուածնի աղղեցութիւնը: Չուտ թթուածնից բաղկացած մթնոլորտը, առաջացնելով թուրերի բորբոքում և թունաւորելով հիւսուածքները՝ արագընթաց մահ առաջ կրերէր, բայց այդ իներտ գաղի հետ խառնուած լինելով՝ թթուածնը մտնում է օրգանիզմի մէջ սահմանափակ քանակութեամբ. ազօտը թուլացնում է նրա գործողութիւնը նոյնպէս՝ ինչպէս ջուրը սպիրտի աղղեցութիւնը գինու մէջ: Անվիճելի է, որ այդ տեսակ դերը շատ օդտաւէտ է, բայց բացասական բնաւորութիւնն ունի: Սակայն ուրիշ ինչ կարելի է սպասել այդպիսի մի իներտ գաղից: Եթէ ի նկատի առնենք կենդանի էակների քիմիական բաղադրութիւնը և նրանց մէջ գտնուող բորակածնի առատութիւնը և բացի զբանից այն վաստակ, որ բորակածնը ամբողջ մթնոլորտի մասն է կազմում և այն, որ կենդանիները մեռնում են, եթէ նրանց զրկում ենք ազօտ պարունակող կե-

բակրից՝ յակամայից թւում է, թէ այդ գաղը պիտի խաղայ աւելի եռանդուն և կարեոր դեր: Վերցնենք դիցուք հէնց այն վաստակ, որ ազօտ պարունակող կերակութը բարձր կենդանիների կեանքը պահպանելու համար անհրաժեշտ է: Իսկ բոյսերը, որոնք այս կամ այն կերպով կերակուր են մատակարարում բարձր կենդանիներին, ինչպէս են կարողանում ազօտի պաշար ստանալ: Բնական է ենթազրել, որ ստանում են շրջապատող մթնոլորտից: Բայց ինչ կերպով: Այդ մի հարց է, որը վճռելու համար շատ աշխատել են թէ գիւղատնտեսները և թէ քիմիկոները: Փրանսիայում բուսսէնդոլ, բէրթոլո, Դէչէրէն և Փօրժ Վիլ շատ ժամանակ են գործ գրել նրա ուսումնասիրութեան վըրայ: Այս հետախուզողները նկատել են, որ մի քանի բոյսեր իւրացնում են բորակածնը՝ բորակածնաթթուի աղերից, որոնք գոյանում են հողի մի քանի բաղադրիչ մասերի և օդում գտնուող բորակածնաթթուի միաւորուելուց կամ ամմիակի գոլորշիներից: Բայց բէրթոլո մի քանի տարի սրանից առաջ ցոյց տուեց, որ հաւանական է թէ կայ բոյսերին բորակածին իւրացնել առող և մի ուրիշ գործօն և թէ հողը երեսի պարունակում է իր մէջ միկրոբներ, որոնք ընդունակութիւն ունին օդի բորակածնը փոխել այնպիսի գրութեան, որ բոյսերը կարողանան իւրացնել նրան:

Նորերումս լոյս տեսաւ մի մեծ աշխատութիւն, որը պատկանում է չէլ'թիզէ և Վիլ'ֆարտ գերմանացի գիտնականներին և որը վերջնականապէս հաստատեց Բէրթոլոի ենթազրութիւնը: Այս գիտնականները յիրաւի գտան, որ մի քանի բոյսեր և գլխաւրապէս

ընդեղէնները ընդունակութիւն ունին ապրել բոլակածնաթթուի աղերով աղքատ հողում և ստանալ օդից իրանց համար անհրաժեշտ բորակածինը՝ չնորդիւ առանձին միկրոբների, որոնք ավագում են նրանց արմատների վրայ: Հեռացրէք այդ միկրոբներին, և բոյսը շատ թոյլ կզարդանայ. ընդհակառակը, մտցրէք նրանց, ջրելով բոյսը այդ միկրոբները պարունակող ջրով, և նա սկսում է արագ կազդուրուել և բարգաւաճել:

Աւելի լաւ օրինակ. վերցնենք երկու հատ ընդեղէն բոյս և դնենք անպաղաբերող դարձրած հողի մէջ և—ինչպէս այդ արել է Breal—պատուաստանք նրանցից մէկի արմատը բարակ ասեղի ծայրի վրայ առած մի կաթիլ միկրոբներով լի ջրով, որը վերցրուած լինի լաւ զարգացող ընդեղէն բոյսի արմատների վրայ գտնուող փոսերից: Իսկոյն կնկատենք, որ պատուաստած բոյսը կսկսի փառաւոր կերպով բարգաւաճել, իսկ միւսը, չպատուաստածը, կմնայ թոյլ և կիսաշոր: Այդ փորձը վերին աստիճանի համոզիչ է: Ընդեղէն բոյսերի արմատների վրայ գըտնուող միկրոբները անկասկած բոյսին բորակածին իւրացնել տուող ագնստներն են: Գիւղասնտեսութեան համար բացւում է նոր ճանապարհ, և հաւանական է, որ այդ ուղղաթեամբ շուտով մի շաբք նմանօրինակ գիւտեր կլինին արուած: Իսկ մեղ համար բաւական է իմանալ, որ մթնոլորափ բորակածինը բոյսերը կարողանում են իւրացնել: Բայց որովհետեւ մենք գիւտենք, որ բորակածին պարունակող կերակուրը բարձր կենդանիների համար անհրաժեշտ է և որ այդ կերակուրը միշտ մատակարարում

են բոյսերը՝ ուրիմն մենք կարող ենք եղբակացնել, որ օդի բորակածինը, թէ կենդանիների և թէ բոյսերի կեանքի համար մի անհրաժեշտ գործօն է: Այդ իներտ և բոտ երեսյթին անօգուտ գաղլ մեծ զերէ խաղում ուրեմն բոլոր կենդանի էակների մննդառթեան մէջ:

Առանց բորակածնի չկայ կերակուր, չկայ բոյս, չկայ և կեանք: Այդպէս է մեր անխուսափելի եղբակացութիւնը:

Հարգաւոր էր աւելացնել, որ միայն օդը չէ բորակածին մատակարարում բոյսերին. մատակարարում են նոյնպէս և բորակածնաթթուի աղերը և ամմիակը, բայց վերջինները իրանք էլ մթնոլորտի բորակածնից են գոյանում, ուրեմն վերեկի մեր եղբակացութիւնը մնում է անփոփոխ:

Այժմ մենք կարող ենք գառնալ ածխաթթվուին: Այս գաղը, ինչպէս գիտենք, վնասակար է և մեր տեսակէտից նա, անկատկած, ունի միայն բացասական յատկութիւններ: Նա, յիրաւի, վնասակար է և մենք շտապում ենք հեռացնել նրան մեր օրգանիզմից: Նըրանով չեն կարող շունչ քաշել ոչ բոյսերը և ոչ կենդանիները, որոնք մեռնում են՝ եթէ ընկնում են այդ գաղի նոյն իսկ համեմատարար քիչ տոկոս պարունակող մի միջավայր: Մի տոկոս ածխաթթու պարունակող օղը արդէն առաջ է բերում օրգանիզմի մէջ անբնական երեսյթներ, իսկ եթէ օդի մէջ գտընում է տառը տոկոս ածխաթթու՝ կեանքը արդէն վտանգի մէջ է և սահը միայն ժամանակի հարց է: Եւ իրաւ, ածխաթթուով յագեցած արինը վնասակար է մարմնի հիւսուածքների համար, և երբ մենք

շնչում ենք ածխաթթուով հարուստ օդ՝ արեան գընդակները, թոքերի միջով անցնելիս, չեն կարողանում կատարելապէս ազատուել այն ածխաթթուից, որը նրանք ստացել են հիւսուածքներում, և յետ են դառնում դէպի վերջինները՝ պարունակելով շատ ածխաթթու և քիչ թթուածին, այսինքն յետ են դառնում կեանք պահպանելու համար անպէտք դրութեամ մէջ։ Այդ գնդակները, թոքերում շփուելով փշացած օդի հետ՝ պահում են իրանց մէջ գտնուող ածխաթթուն, որովհետև նրանք կարող են ազատուել ածխաթթուից միայն այն զէպքում, երբ այս գաղի ձնշումը նրանց մէջ աւելի է քան մթնոլորտի մէջ։ Իսկ եթէ մթնոլորտը հարուստ է ածխաթթուով՝ այն ժամանակ վերջինի ձնշումն էլ աւելի է քան արեան գնդակների մէջ, և այդ է պատճառը, որ ածխաթթուն չէ կարողանում բաժանուել գնդակներից, այլ մնում է նրանց մէջ և անզգայացնում կենդանուն, մահ տարածելով նրա բոլոր հիւսուածքներում։ Բայց մահի երսոյթներից առաջ տեղի է ունենում կատարեալ անզգայութիւն։ Այդ գեղեցիկ կերպով ավացուցեց Բիշա, ածելով մի կենդանու քնի գարկերակի և ջղային կենդրունների մէջ միւս նոյնատեսակ կենդանու երակային (վենային) արիւնը, որը յագեցնում էր ածխաթթուով։ Այն էլ պիտի ասել, որ ածխաթթուի արտաքին գործադրութիւնն էլ անզգայացնում է մորթը, և այդ վաղուց յայտնի էր և շատ անգամ էլ գործադրուած։ Դեռ Պլինիսը իր ըրնական պատմութեան մէջ հազորդում է, որ քացախի հետ խառնուած մարմարիոնը եթէ զբուի մարմնի որկէ մասի վրայ՝ այդ մասը այն աստիճան կան-

զգայանայ, որ նրան կարելի կլինի կարել, այրել առանց ցաւ պատճառելու։ Այսեղ անզգայացուցիչ տարրը ածխաթթուն է, որը զոյցել է քացախի մէջ գտնուող քացախի թթուի քիմիական ներգործութիւնից ածխաթթու-կըրի^{*)} վրայ։

Եթէ ածխաթթուն, փոխանակ մարմնի մի մասի վրայ ներգործելու, ներգործում է ամբողջ օրգանիզմի վրայ, ինչպէս այն դէպքում երբ նրանով շընչամ են՝ նա առաջ է բերում արդէն ոչ տեղային, այլ ընդհանուր անզգայութիւն, որը ուսումնասիրուած է զանազան փորձակատարների ձեռքով և որոնցից մէկը, Օզանամ, այնքան բաւականացուցիչ գտաւ այդ տեսակ անզգայութիւնը, որ անյապաղ առաջարկեց ընդունել ածխաթթուն իբրև անզգայացուցիչ միջոց փոխանակ էֆիրի կամ խլօրօֆօրմի։ Բայց որքան մեղյացնի է՝ ոչ չէ հետեւել այդ խորհրդին և կատկածելի է, որ վիրարոյժները երբ և իցէ հակուած լինին գործադրել այդքան վտանգաւոր մի միջոց։

Յայտնի են մի շարք զէպքեր, երբ մարդիկ թունաւորուել են ածխաթթուով, բայց չեն մեռել։ Բոլոր զէպքերում եղել է կատարեալ անզգայութիւն, որին համեմուց առաջ, թունաւորուածները, իրանց ասելով, գտնում էին մի ինչ-որ սքանչելի զբութեան մէջ։ Լուում էին գեղեցիկ երաժշտութիւն և տեսնում շքեղ լուսաւորութիւն։ Բայց այդ զբութեանը հետեւում է գիտակցութեան կատարեալ կորուսար, որը կարող է փոխուել յաւիտենական քնի՝ եթէ ածխաթթուն շարանակէ աւելանալ արեան մէջ կամ եթէ

^{*)} Մարմարիոնը ածխաթթու-կըր է։

եղածը չբաժանուի արինից և դուրս չգայ: Ածխաթթուից առաջացած մահուան դէպքերը այնքան էլ հազուադէպ չեն: Նրանք պատահել են այնպիսի տեղերում, ուր տեղի է ունեցել սպիրտային խմորում, օրինակ գարեջրի կամ գինու խմորման աւաղանների մօտ, ուր գոյանում է արուեստական կամ բնական ածխաթթու, նոյնպէս այն քարայրներում, որոնք լըցուած են այդ զազով, կամ փակուած և վատ օդափոխութիւն ունեցող բնակարաններում, ուր հաւաքուած են լինում մեծ թուով մարդիկ կամ կենդանիներ: Ճշմարիտ, հասարակական դահլիճներում օդը շուտ է փշանում. թատրոնական դահլիճում, ուսումնարաններում, լսարաններում, ինչպէս օրինակ Սօրբօննում, ածխաթթուի քանակութիւնը հասել է 1000-ից 10 մասի. Ալպեան (սարերի) գոմերում, ուր մարդիկ և կենդանիները մեծ թուով խմբում են միասին՝ այդ քանակութիւնը հասնում է 1000-ից 21-ի: Այս տեսակ օդը անկասկած թունառը է և դրա համար կամ մի շարք ապացոյցներ: Այսպէս օրինակ, չնդիկաստանի կոուի ժամանակ 146 գերիներից, որոնք երեկոյեան 8 ժամին փակուել էին մի փոքրիկ բնակարանում՝ առաւտեան ժամը երկուսին մնացին կենդանի միայն 50 հոգի, իսկ արեւ ծագելուց յետոյ մնացին միայն 23 հոգի, այն էլ բոլորը կիսամեռ դրութեան մէջ: Առասերլիցի կոուից յետոյ նոյնպէս 300 գերիներից, որոնք բանտարկուած էին վատ օդափոխութիւն ունեցող մի նկուղում՝ 260 հոգի ածխաթթուից թունառուելով մեսան մի քանի ժամից նետոյ: Իբրև սոյն տեսակ օրինակ ծառայում է և օրս ֆօրդի հոչակաւոր նիստը, ուր դատաւորները և հան-

դիսականներից մի մասը չնշարգել եղան միկնոյն պատճառից: Գուցէ այդ դէպքերում ածխաթթուի ազդեցութեան հետ միանում է և այն թոյնի ազդեցութիւնը, որը Բրուուն Սէկարի ասելով արտաշընչում է թոքերից: Բայց հարկաւոր է նկատել, որ այդ թոյնի գոյութիւնը, որքան էլ հաւանական լինի՝ գետ ևս ապացուցուած չէ:

Ածխաթթուից թունառուելու հարցը վերջացնելու համար մնում է յիշել միայն այն դէպքերի մասին, երբ մարդը կամ կենդանին մեռնում են՝ մանելով այն ձորերի մէջ, ուր այդ զազը բնական ազդիւթներից բղիսելով հաւաքուած է: Այդ տեսակ մահուածն ծորերը նկարագրել են շատ ճանապարհորդներ: Նըրանց մէջ բուսականութեան նշոյլ անգամ չէ երեւում, նրանց կարելի է բասի կատարեալ մարդով անապատ անուանել: Այդ տեղերի հողն անգամ՝ մերկ, քարքարոտ—կարծես մեռած է: Այստեղ-այնտեղ սպիտակին են տալիս թուշունների, կաթնակեր կենդանիների և մինչեւ անգամ մարդկանց կմախքներ: Մարդիկ, որոնք ծանօթ չեն եղել այդ տեղերի սպանիչ յատկութիւններին՝ կամեցել են անցնել և ընկնելով ածխաթթուի մէջ, որը օդից աւելի ծանր լինելով, հաւաքուած է քամուց պաշտպանուած տեղերում բոլորն էլ մեռել են: Այդպիսով ածխաթթուն, որը հաւասարապէս սպանիչ է թէ բոյսերի և թէ կենդանիների համար և որին նրանք ամենայն ճշտութեամբ աշխատում են հեռացնել իրանց հիւսուածքներից, — ներկայանում է մեզ իբրև մահի գործակալ և ամենավատ յատկութիւններ ունեցող գաղերից մէկը: Սակայն պիտի խոստովանել, որ նա կատարում է մի

բարելար դեր՝ բարձր կենդանիների մահուան բովէ-ներում. քիչքիշ կուտակուելով օրգանիզմի մէջ մա-հուան տագնապի ժամանակ՝ նա գուցէ բթացնում է զիտակցութիւնը և զգայնութիւնը մարդուս վերջին քնի բովէներում, բարեկեր անզգայութիւն առաջ բե-րելով նրա համար և թեթևացնելով այդպիսով ֆի-զիքական կեանքի վերջին գործողութիւնը:

Այս ենթադրութիւնը յամենայն դէպս հաւանա-նական է, և ուրեմն ածխաթթուն, որը, մի քանի փիզիոլոգների կարծիքով, յայտնի դեր է կատարում մեր աշխարհ գալու ժամանակ, հեշտացնելով ծննդեան ակտը՝ օգնութեան է հասնում մեղ, թեթևացնելով նոյնպէս և աշխարհից հեռանալը:

Բայց դրանով ի հարկէ չէ սահմանափակուում ածխաթթուի նշանակութիւնը կեանքի համար: Նա կատարում է աւելի եռանդուն, աւելի կարեսը և ա-ւելի հետաքրքիր դեր, որի մասին չէ կարելի շք խօսել:

Բոլոր կենդանիները ուղղակի կամ անուղղակի կերակրում են բոյսերով, որոնք իրանց մէջ գտնուող հանքային տարրերի մեծ մասը ստանում են հողից: Բորակածինը և թթուածինը նրանք ստանում են օդից: Բայց որտեղից են վերցնում ածխածինը, որով այնքան հարուստ են նրանց հիւսուածքները: Ածխա-ծինի երկու ազդիւրներ կան.— նա գտնուում է հողի մէջ՝ զանազան տեսակ ածխաթթու-ազերում, և հումուսի (հողի մակերեսոյթային շերտի) մէջ, որը գոյանում է մեռած ու փատծ տերեների, ճիւղերի, արմատների մնացորդներից: Բայց մենք չենք կարող ի նկատ-առնել հումուսի ածխածինը արդէն այն պարզ պատ-

ճառով, որ նախնական բոյսերը ի հարկէ չէին կարող նրանով օգտուել: Մնում է, ուրեմն, Մաթիօ զը Դօմ-րասլի և մի շաբար գիւղատնտեսների ու գիմիկոսների հետ միասին ենթադրել, որ բոյսերը իրանց համար անհրաժեշտ ածխածինը ստանում են զետնում գլա-նուող ածխաթթու-ազերից: Բայց ձարենգելի, Սօսիւթի և ուրիշների փորձերը ցոյց տուին, որ ած-խաթթու-ազերի գերը այս դէպքում աւելի չնշին է՝ քան ենթադրում են, իսկ Լիբրիզը ապացուցեց, որ բոյսերը գեղեցիկ կերպով զարգանում են նաև այն-պիսի հողում, որը բոլորովին զուրկ է ածխաթթու-ազերից: Բայց այդ դէպքում մրաեղից կարող են ստա-նալ նրանք ածխածին:

Այժմ արգէն յայտնի է, որ նրանք ածխածին ստանում են մինուրուտից: Նրանք ընդունակութիւն ունին վերլուծել օդի ածխաթթուն, աղատելով թթ-թուածինը, որը անցնում է օդի մէջ, և հաւաքելով ածխածինը իրանց հիւսուածքներում: (41 միլիոն հեկտար հողը, որ մշակուում է Փրանսիայում զանա-զան բոյսերի համար, կլանում է տարեկան տունուազը 60 միլիոն տօնն ածխաթթու):

Այդ կարեսը աշխատանքը կատարելու համար երկու պայմաններ են հարկաւոր է, որ բոյսը օժտուած լինի խլօրոֆիլով—այն կանաչ նիւ-թով, որը տերեններին կանաչ գոյն է տալիս, և եր-կրորդ, նրան հարկաւոր են արեգակի լոյս և օդի յար-մար բարեկամանութիւն: Եւ իրաւ, խլօրոֆիլը վեր-լուծում է ածխաթթուն միմիայն լոյսի ազգեցու-թեան տակ և բարեկամանութեան յայտնի աստիճան-ներում: Ցրտում և մթութեան մէջ նրա գործողու-

թիւնը կանգ է առնում: Խսկ եթէ նրա անհրաժեշտ
քանակութիւնը չկայ և տերեները քիչ են՝ բոյսը
տանջւում է և մեռնում կերակրի պակասութիւնից:
Հարկաւոր է նկատել, որ խլորովիլի ֆունկցիան, կամ
միենոյն է թէ մննդառութեան ֆունկցիան, պէտք է
զանազանել չնշառութեան ֆունկցիայից. վերջինը
բայսի համար, ինչպէս և կենդանու համար՝ է թթուա-
ծին կլանելը և ածխաթթու արժադրելը:

Այդ երկու ֆունկցիաները զանազան ոյժի են.
առաջինը այդ կողմից շատ գերազիո է երկրորդից,
թէ տեղի է ունենում միմիայն ցերեկները: Եթէ չը
լինէր մննդառութեան ֆունկցիայի այդ գերակռու-
թիւնը և երկուն էլ հաւասար ոյժի լինէին՝ բոյսը
չը կարող աճել, որովհետեւ մի կողմից կկորցնէր
այն՝ ինչ որ միւս կողմից կստանար: Բոյսերը ած-
խաթթու կլանում են գլխաւորապէս տերեների մի-
ջոցով և քիչ քանակութեամբ էլ արմատների միջո-
ցով. յամենայն դէպս, որպէսզի բոյսը կարողանայ
իրացնել այդ գաղը՝ վերջինը պիտի անցնի բոլոր
կանաչ մասերով, ուր խլորօֆիլ կայ: Այդպէս ու-
րեմն այդ ուժեղ թոյնը, այդ գաղը, որը անպայման
վնասակար է կինդանի էակների կեանքի համար և
սպանում է նրանց, երբ օդի մէջ մի քիչ աւելանու-
մի բանակութիւնը՝ չնայած այդ բոլորին՝ կեան-
քի ամենաէական պայմաններից մէկն է երկրագնդիս
վրայ: Եթէ նա բոլորովին չքանար օդի միջից՝ բու-
սականութիւնը միանգամից կոչնչանար, իսկ վերջի-
նի բացակայութիւնը մի քանի օրում առաջ կրե-
րէր մահ մեր մոլորակի մակերևոյթի վրայ շարժուղ
բոլոր կենդանի էակների համար: Այն, ածխաթթուն

թոյն է, մի նիւթ, որը կեանքի համար շատ վնա-
սակար է, բայց այն քանակութեամբ, որը պարունակ-
ում է օդի մէջ՝ նա այնքան անհրաժեշտ է կեանքի
համար՝ որքան սպանիչ է՝ երբ նրա քանակութիւնը
յայտնի չափից աւելանում է:

Այդպէս է ահա արտայայտում երկրագնդիս
վրայ օդի յարարելութիւնը գէպի կեանքը, եթէ նայ-
ենք հարցի վրայ օդի քիմիական կազմուածքի տե-
սակէտից: Ի հարկէ խօսքը բնական, ոչ մի արուես-
տական փոփոխութեան չենթարկուած, օդի մասին
է, եթէ կարելի է այսպէս ասել՝ ֆիզիօլոգիական
օդի մասին է:

9.

Քննենք այժմ մեր գրած բարդ հարցը ուրիշ
կողմից. այսինքն նայենք օդի վրայ՝ իբրև մի մարմնի,
որը յայտնի ճնշում է գործում: Այդ տեսակէտը նոյն-
քան արժանի է ուշադրութեան, որքան և առաջինը,
որովհետեւ կեանքի և մթնոլորափի ճնշման մէջ կայ ուղղ
յարաբերութիւն: Մթնոլորաը, ինչպէս արգէն ասա-
ցինք, ունի յայտնի ծանրութիւն և ճնշում է գործում
թէ երկրի և թէ նրա բնակիչների վրայ: Այդ ճնշումը
փոխառում է, նայած թէ ծովի մակերեսոյթից որքան
բարձր ենք գտնուում: Բարձր աւելիքում նա փոքր է,
իսկ ցածր տեղերում մեծ: Եթէ ծանրաշափը բարձր
սարերից իջեցնենք ձորերը, հասցնենք ծովի մակե-
րեսոյթին, այդտեղից իջեցնենք խոր հանքերի մէջ՝
մենք կնկատենք, որ ճնշումը նկատելի կերպով
աւելանում է: Կենդանի էակները համարեա չեն զգում

Ճնշման փոքրիկ փոփոխութիւնները, բայց ուրիշ բան
է, եթէ ճնշումների տարրերութիւնը մեծ է: Երբ
մարդը օդապարիկով բարձրանում է օդի մէջ, կամ
զնում է բարձր սարերի գլուխը, կամ ընկնում է այն-
պիսի տեղ, ուր ճնշումը արուեստական կամ բնական
կերպով աւելացած է՝ նա դրում է մի շարք երե-
ւոյթներ, որոնց վրայ հարկաւոր է մատնացոյց անել:

Կենդանիները ոչ պակաս զգայուն են դէպի
ծանրաշափական ճնշման փոփոխութիւնները: Դրա
մէջ կարելի է համոզուել և փորձով և դիտողութեամբ,
Բայց երբ ուզում ենք ուսումնասիրել օդի ճնշման
փոփոխութիւնների ազդեցութիւնը կենդանիների վը-
րայ՝ յարմար չէ լինում միշտ տանել նրանց բարձր
սարեր, կամ իջեցնել ծովի յատակը, տեղաւորելով
նրանց ջրասուզական զանգակի *) մէջ, փորձակատա-
րի հետ միասին, մանաւանդ որ ճնշումը ազդում է
միենայն ժամանակ և փորձակատարի վրայ: Իսկ այդ
վերջին հանգամանքի հետևանքները կարող են ունե-
նալ այնպիսի բնաւորութիւն, որ փորձը կատարելա-
պէս անօգուտ կլինի: Այս պատճառով աւելի յար-
մար է այս տեսակ փորձերը կատարել լաբօրատօրիա-
ներում, ուր, այդ երեսութների ուսումնասիրութեան
համար յատկապէս պատրաստուած գործիքներով, կա-
րողանում են նօսրացնել օդը մինչև ցանկալի աստի-
ճանը կամ թանձրացնել նրան մինչև վերջին սահմա-
նը, այնպէս որ գաղը հեղուկանում է և մինչև ան-
գամ կարծրանում: Այդ գործիքները տալիս են մեզ

*) Զանգակածե մի գործիք, որի մէջ իջնում են ջրի
յատակը զանգական նպատակներով:

կամ համարեա բացարձակ դատարկութիւն կամ 800—
1000 մթնոլորտի ճնշում: Այդպիսի պայմաններում
մեղ համար հեշտ է ճետել այն աղդեցութեանը, որը
անում է մթնոլորտի ճնշումը կենդանի էակների կեան-
քի վրայ և ստուգել այն եղբակացութիւնները, որոնք
հետևում են Սուրբանէի և Պօլ-Քէրի այս հարցին վե-
րաբերեալ գեղեցիկ աշխատութիւններից:

Ամենից առաջ հարկաւոր է նկատել այն փաս-
տը, որ բոլոր կենդանի էակները, ինչպէս ցամաքայ-
ինները նոյնպէս և ջրայինները, անվտանգ կարող
են տանել մթնոլորտի ճնշման փոփոխութիւնները
յայտնի սահմաններում: Մարդս, օրինակ, աշխատում
է գետնի տակ մէկ քիլոմետր (մօտ մի վերս) խո-
րութեան մէջ և բարձրանում է օդի մէջ 5—6 քիլո-
մետր, երկուդ չկը ելով, որ ճնշման այդ շափով աւե-
լանալը կամ պակասելը կարող է անպատճառ նրա
համար վտանգաւոր լինել: Միենայնը կարելի է ասել
և կաթնակերների մեծամասնութեան մասին: Միւս
կողմից՝ մեծ խորութեան մէջ ապրող ձկները կարող
են բարձրանալ մինչև յայտնի սահման, չենթարկուե-
լով ճնշման պակասելու վտանգաւոր հետևանքին: Իսկ
եթէ սահմանից անցնում են և շատ մօտենում ջրի
մակերեսոյթին՝ այն ժամանակ նրանք պայշտում են:
Բայց յայտնի է նոյնպէս, որ ամեն մի էակի համար
կայ ճնշման փոփոխութեան յայտնի սահման, որը քիչ
փոխում է՝ նայած կենդանու այս կամ այն ցեղին
կամ դասին պատկանելուն: Այդ սահմանից նա չէ
կարող անցնել, առանց անպատճ մնալու, և նրա-
նից եթէ անցնում է՝ մեռնում է: Ո՞րոնք են այդ եր-
կու գէպքերում մահ առաջ բերող ֆիզիոգիական

Ալատմառները: Ահա մի հարց, որը ինքն ըստ ինքեան
առաջ է գալիս:

Քննենք առաջ ճնշման պակասելու աղդեցու-
թիւնը: Ի՞նչ նշաններ են նկատում այդ դէպքում:
Արդէն 300 տարի է, որ եզուիս—միսախօներ Ակոս-
տան գեղեցիկ կերպով նկարազրել է այն դէպքերը՝
որոնք տեղի են ունեցել բարձր սարեր բարձրանա-
լիս: «Բարձրանալով Պերուի երկրում մի սարի վրայ՝
ես յանկարծ զգացի այնպիսի մի տարօրինակ և սպա-
նիչ ցաւ, որ դժուարութեամբ կարողացայ ինձ պահել
թամբի վրայ: Ինձ հետ կար միայն մի հնդիկ, և
ես ինպրեցի նրան, որ օգնութեան հասնէ և թոյլ
չայց, որ թամբից ընկնեմ: Բայց զրանից յետոյ
սկսեց փսխում, որը միացած էր այնպիսի տանջանք-
ների հետ, որ ես համարեցի ինձ մահուան մօտեցած:
Երբ ստամոքսում եղած կերպի մնացորդները և
լեզին դուրս եկան՝ ես սկսեցի արիւն փսխել, այն-
պէս որ, կրնում եմ, ես լրջօրէն մտածում էի մա-
հուան մասին: Այս բոլորը տեսեց երեք-չորս ժամ, մին-
չև որ մենք բարձրից իջանք ներքեա:

Եւ ոչ թէ միայն մարդիկն են ընկնում այդ տե-
սակ դրութեան մէջ, այլ և կենդանիները: Յետոյ նա
ասում է, «Ես հաւատացած եմ, որ օդի տարրը այդ
տեղում այնքան բարակ և քնքոյշ է, որ նա չէ հա-
մապատասխանում մարդու շնչառութեանը, որը սո-
վորաբար գործադրում է աւելի թանձը օդ»: Պրիստ-
լէից և Լավուազիէից 300 տարի առաջ արտասանուած
այս խօսքերի ճշմարտութիւնը դարմանալի է: Բարձր
տեղերի օգը, իսկ-որ, շատ բարակ և նօսր է բարձր
կենդանիների շնչառութեան համար:

Ակօստայինկարագրած այս հիւանդութիւնը հէնց
այն հիւանդութիւնն է, որը, նայած տեղին՝ կոչում
է բնու սարուե, վետա—սարի հիւանդութիւն կամ
օդագնացների հիւանդութիւն: Յետոյ այդ հիւանդու-
թիւնը նկարագրել են 2իւգի, Լօրտէ և շատ ուրիշ-
ներ: Խրաբանչերը դրանցից նկատել է փսխումը,
վախի և թուլութեան զգացումը, որոնք բնորոշում են
այդ հիւանդութիւնը: Ճշգութեամբ կատարուած փոր-
ձերը, ինչպէս օրինակ Լօրտէի և Զօվօի փորձերը, ցոյց
տուին, որ շնչառութիւնը նուազում է և միւնոյն ժա-
մանակ արագանում. բացի այդ՝ նկատուած են սաս-
տիկ մկանային ցաւեր և զղային ու արինատար սիս-
տեմների խանգարումներ, որոնք կարող են առաջ
բերել կաթուած և մահ՝ եթէ հիւանդութեան երե-
ւոյթները երկար շարունակուին, ինչպէս այդ եղան
«Զենիտի» հետ պատահած աղէտի ժամանակ:

Զյշելով այստեղ այն կարծիքները, որոնք ցոյ-
ութիւն են ունեցել զանազան ժամանակներում այդ
փտանգաւոր դէպքերի պատճառների մասին՝ մենք
կրերենք այն բացատրութիւնը, որը նորելումս տուել
են Պօլ'-Բէրը և ուրիշ փիզիօլոգներ: Նա շատ հասա-
րակ է.—օրգանիզմի այդքան ուժեղ և մինչև անգամ
մահ պատճառող ցնցումները կախուած են օդի թր-
թուածնի ճնշման ոյժի պակասելուց, իսկ դա կա-
խուած է նրա նօսրութիւնից, որովհետեւ բարձր տե-
ղերում օդը աւելի նօսր է և, այսպէս ասած, լայնա-
ցած, քան սովորական մակերեսոյթի վրայ:

Պօլ'-Բէրի փորձերը յիրաւի ցոյց են տալիս, թէ
օրգանիզմի մեռնելու պատճառը այս դէպքում, այսինքն
ճնշման պակասելուց, մեխանիքական չէ, այլ այդ

երևոյթի պատճառը զաւտ քիմիական է—թթուածնի նօսրութիւնը օդի մէջ և նրա պակասութիւնը արեան մէջ:

Նօսրացրած մթնոլորտի մէջ ձգած կենդանին մեռնում է նոյն պատճառներով՝ ինչ պատճառներով և փակ ու օդափոխութիւնից դուրկ բնակարանում գտնուողը: Երկուսն էլ մեռնում են թթուածնի պակասութիւնից:

Այդ պատճառի վրայ աւելացնենք և մի ուրիշը, որը մենք արդէն գիտենք մեծ խորութեան մէջ ապրող և պատահմամբ ջրի մակերեսոյթին մօտեցող ձրկների օրինակից: Երբ արտաքին ճնշումը, համեմատած ներքին ճնշման հետ, շատ պակասում է՝ մարմնի մէջ գտնուող գագերը սաստիկ լայնանում են և ահագին ճնշում գործելով հեշտութեամբ պատառուառ են հիւսուածքները:

Այդպիսի դէպքեր պատահում են և մարդու հետ, ինչպէս իսկայն կտեսնենք:

Մենք արդէն քննեցինք այն դէպքերը, երբ կենդանին կամ մարդը անցնում է միջին կամ ցած մակերեսոյթից դէպի շատ բարձրը՝ կամաց-կամաց: Այժմ դարձնենք մեր ուշադրութիւնը մի ուրիշ դէպքի վրայ. այդ այն դէպքն է, երբ բնական կամ բարձր ճնշումից անցնում են նուազ ճնշման՝ յանկարծ, մի անգամից: Իբրև այդ տեսակ օրինակ կարող են ծառայել այն բանուորները, որոնք կամուրջ շինելիս գտնուում են կեսաօնում (ջրի յատակում շինուած արկղներ), 3—4 մթնոլորտի ճնշման տակ, և յետոյ արագ բարձրանում են ջրի երեսը. նոյնպէս ջրասոյզները, որոնք անզգուշութիւն են ունենում արագութեամբ ջրից

դուրս գալ, կամ օդագնացները, որոնք արագութեամբ համում են մեծ բարձրութեան, չորհիւ այն բանի, որ օդապարիկը շափից աւելի է լինում լցրած գազով: Յայտնի է, որ այդ գէպքերում, այսինքն երբ օդը յանկարծ է նօսրանում կամ ուժեղ ճնշումից յանկարծ են անցնում նուազ ճնշման՝ մահը առաջ է գալիս շատ արագ: Կենդանին, որը գրուած է լինում օդահան մեքենայի զանգակի տակ, ուր սկզբում բընական ճնշումը յանկարծ նուազում է մեքենայի մի քանի պառյափից՝ ընկնում է և անմիջապէս մեռնում: Այդ լինում է մինչև անդամ այն գէպքում, երբ զանգակի տակի ճնշումը դեռ այնքան էլ նուազ չէ և կարող էր կեանք պահպանել, միայն՝ թէ օդի նօսրացըմը կատարուած լինէր ոչ յանկարծ, այլ կամաց-կամաց: Այստեղ նկատում են երկոյթներ, որոնք տարբերում են աստիճանաբար նօսրացման ժամանակ տեղի ունեցող երկոյթներից. Պոհերի դիակները դիտելիս նկատում ենք մի երկոյթ, որը գեղեցիկ կերպով բացատրում է բանի էութիւնը.—ազատ գազի ներկայութիւն մորթու տակ և հիւսուածքների ու արինատար անօթների մէջ, մի փաստ, որը երբէք չէ նկատում ըսական դրութեան մէջ: Այդ գազն էլ մատնացոյց է անում ուղղակի մահուան պատճառի վրայ: Մենք գիտենք, որ արինը և բոլոր հիւսուածքները միշտ պարունակում են ազատ կամ արեան գընդակների հետ միացած գազեր—թթուածին, բորակածին և այլն, և որ այդ գազերի քանակութիւնը փոխուում է՝ նայած արտաքին ճնշման, այսինքն նայած նոյն այդ գազերի ճնշման՝ մթնոլորտի մէջ: Եթէ ծանրաշափական ճնշումը նուազում է նոյն կերպով՝

Նրանք կամաց-կամաց բաժանուում են արիւնից և անցնուում մթնոլորտը, չպատճառելով օրգանիզմին ոչ մի հիւանդութիւն։ Բայց եթէ նօսրացումը յանկարծ է լինում՝ այն ժամանակ այդ տեսակ կամաց-կամաց բաժանուելը չէ կարող տեղի ունենալ. արեան և հիւսուածքների գաղերը, որոնց ճնշումը շատ տեղի է քան նօսրացրած մթնոլորտում գտնուող նոյն գաղերինը՝ փուչիների ձեռվ արագ բաժանուում են և անմիջապէս կանգնեցնուում արեան շրջանառութիւնը։ Այս տեսակ գէպերը շատ են պատահել մարդկանց հետ, և այդ է պատճառը, որ թանձր օդի մէջ աշխատող բանուորներին խորհուրդ է տրուում դուրս գալ աղատ օդի մէջ կամաց-կամաց և այնքան կամաց՝ որքան աւելի մեծ ճնշման տակ է նա աշխատուում։ Այն պայմաններում, ուր նա աշխատում է՝ օդի թանձրութիւնը առանձին վնաս չէ բերում նորան։ Բայց ամբողջ վտանգը գէպի բնական ճնշումն անցնելու մէջն է։ «Ճուժում են դուրս գալիս», ասում են այդ մասին բանուորները։

Ահա թէ ինչ կարելի է ասել ճնշման թէ արագ և թէ կամաց փոփոխութեան աղդեցութեան վերաբերմամբ։ Մի գէպում նա վնասակար է թթուածնի պակասութեան պատճառով, և զրա համար էլ օդագնացները այդ գաղից պաշար են վերցնուում իրանց հետ, որպէս զի մթնոլորտի բարձր շերտերում կարողանան կռուել նրա նօսրութեան գէմ։ Միւս գէպում —լինի դա մեծ ճնշումից միջինի, բնականի անցնելը, կամ միջինից նուազի անցնելը, —հիւանդութեան երեւոյթները ունին ուրիշ, մեխանիքական պատճառ, այն է՝ հիւսուածքների և արեան մէջ գտնուող գաղե-

րի արագ բաժանուելը, որից և կանգ է առնուում արեան շրջանառութիւնը։ Եւ իրաւ, յայտնի է, որ աղատ օդի կամ որևէ գաղի ներկայութիւնը արիւնատար անօթների մէջ՝ իսկոյն կանգնեցնում է սրտի գործունէութիւնը։ Երբ կատարուում է բարձր ճնշումից գէպի միջինը յանկարծակի անցնելը՝ տեղի չէ ունենում թթուածնի սով, այլ գործում է զուտ մեխանիքական պատճառ։ Եթէ միջին ճնշումից անցնուում են նուազին, այն էլ կամաց-կամաց՝ տեղի է ունենում թթուածնի սով։ Իսկ եթէ ճնշման այդ վերջի փոփոխութիւնը արագ է կատարուում՝ այդ գէպում լինում է և՛ թթուածնի սով և գաղերի բաժանուում, որից փակւում են արիւնատար անօթները։

Ընցնենք այժմ ճնշման աւելանալու գէպերին։ 2իսենք այն ճնշման մասին, որը լինում է հանքերի խորութիւնների մէջ։ Նա շատ չնշին է և նրա ֆիզիոգիական ներգործութիւնը կարելի է զանց առնել։ Մեծ ճնշումների ազդեցութիւնը կարելի է ուսումնասիրել՝ գիտելով ջրատողներին և այն մարդկանց, որոնք աշխատուում են կամուրջների սիւներ շինելու վրայ։

Այն միջավայրը, ուր աշխատուում են այդ մարդկիկ՝ ունի բաւական մեծ ծանրաշակական ճնշում, աւելի մեծ՝ քան ամենախոր հանքերի յատակում։ Դրա պատճառը այն է, որ ջուրը անհամեմատ աւելի խորութիւն ունի քան օդը, և որպէսզի յայտնի խորութեան մէջ օդի ճնշումը հաւասարակշռութի ջրի ճնշման հետ, հարկաւոր է սեղմել օդը երեք-չորս մթնոլորտի ոյժով, նայած խորութեան։ Երբ օդի սեղմումը նուազ է՝ հիւանդայթեան երևոյթները նշանաւոր չեն։ Նկատելի են դութեան երևոյթները նշանաւոր չեն.

լինում միմիայն ականջների վշվոց, արիւնահոսութիւն քթից և ձեռների ու ոտների թմբութիւն, իսկ չնշառութիւնը և արեան զարկերը դանդաղանում են: Երբեմն զպային սիստեմը ենթարկւում է անբնական գրգռման և առաջ բերում մի դրութիւն, որը նման է հարբածի դրութեան: Բոլորովին բնական է ենթադրել, որ այդ երեսոյթները կախուած են օդի մէջ ածխաթթուի քանակութեան աւելանալուց. և իրաւ, երբ օդի սեղմումը չէ անցնում յայտնի սահմանից՝ այդ դէպքում անկասկած ածխաթթուն է այդ երեսոյթների պատճառը. նա կուտակում է օրգանիզմում և ի հարթէ խեղդում ու թունաւորում է նրան: Բայց եթէ գործ ենք ունենում ուժեղ սեղմումի հետ, ինչպէս այդ փորձել է Պօլ'-Քէրը՝ այն ժամանակ հասնում ենք բոլորին ուրիշ և շատ օրիգինալ հետեանքի: Այդ յարգելի փիզիոգր, ցանկանալով արգելք զնել օդի սեղմուելու վատ հետեանքներին՝ խառնեց սեղմուած օդի հետ յայտնի քանակութեամբ թթուածին, որպէս զի այդպիսով թուլացնէ ածխաթթուի ազդեցութիւնը, բայց շատ զարմացաւ տեսնելով, որ իր բոլոր ջանքերը միմիայն արագացնում են աղէտը: Ենթարկելով այդ երեսոյթը վերլուծութեան՝ նա նկատեց, որ մեծ սեղմումների ժամանակ (6 մթնոլորտից աւելի), օդի թթուածինը ունենալով նոյնպէս մեծ ճնշում՝ դառնում է կենդանու համար նոյնպէս թունաւոր՝ ինչպէս և այն մեղ ծանօթ դէպքում, երբ օդի ճնշումը բնական է, իսկ թթուածնի քանակութիւնը նրա մէջ շափից աւելի: Իբրև ապացոյց այն բանին, որ մահուան պատճառը թթուածինն է՝ կարող է ծառայել այն փաստը, որ կենդանին գեղեցիկ կերպով կարո-

դանում է տանել 20 մթնոլորտի ճնշում, միայն թէ թթուածնի քանակութիւնը օդի մէջ այնքան քիչ լինի, որ այդ տեսակ ճնշման տակ միայն ստանայ այն խըտութիւնը, որը ունի բնական օդի մէջ: Մեծ ճնշումների տակ, թթուածինը լինելով աւելի խիտ՝ միշտ վերին աստիճանի թունաւոր է հանդիսանում. ահա պատճառը, որ ինչպէս կենդանին նոյնպէս և մարդը մեռնում են սովորական կազմուածք ունեցող բնական օդի մէջ՝ երբ նրա ճնշումը յայտնի սահմանից անցնում է: Օդի թէ աստիճանաբար և թէ յանկարծակի սեղմումը սպանում է չնորդիւ թթուածնի առասութեան: Եւ եթէ մի կողմ թողնենք ճնշման յանկարծակի փոփոխութիւնները, երբ, ինչպէս, օդի յանկարծակի նօսրացման դէպքում, առաջին տեղը բռնում է մեխանիքական գործօնը՝ մենք կտեսնենք, որ ընդհանրապէս օդի ճնշման աստիճանաբար կատարուող փոփոխութիւնները ներգործում են օրգանիզմի վրայ ոչ ֆիզիկապէս, այլ զուտ քիմիապէս, չնորդիւ թթուածնի շատ մեծ կամ շատ փոքր քանակութեան: Հարկաւոր է սակայն նկատել, որ այստեղ, ինչպէս և ուրիշ դէպքերում, աեղի են ունենում վիճավայրին յարմարուելու երեսոյթները: Օրինակ, Ամերիկայի հնդիկները և տեղային կենդանիները Կօրդիերի սարերում ճանապարհորդների պէս չեն ենթարկւում սարի հիւանդութեան: Նոյնպէս մեծ խորութեան մէջ ապրող ջրի կենդանիները ենթարկւուծ են այնպիսի ճընշման, որը չէր կարող տանել և ոչ մի ցամաքային կենդանի: Չնայած այդ բոլորին՝ երեսոյթի էութիւնը մընում է նոյնը.՝ ինչպէս առաջին, նոյնպէս և երկրորդ դէպքում նկատում են կենդանի էակների համար ճըն-

ման աւելանալու կամ պակասելու յայտնի սահմաններ, որոնցից անցնելը անպայման վտանգաւոր է կեանքի համար: Այն փաստը, որ զանազան կենդանիներ զանազան կերպով կարող են յարմարուած լինել ճնշման՝ ընդհանուր տեսակէտից ոչ մի նշանակութիւն չունի, քանի որ այդ զանազանութիւնները քանակական են և ոչ որակական և երեսոյթների կարգը բոլոր դէպքերում միևնույն է: Ուրեմն մենք կարող ենք ասել, որ ճնշման փոփոխութիւնների ազդեցութիւնը կենդանի էակների վրայ առաջին անգամից կարծես մեխանիքական, բայց իսկապէս քիմիական կարգի է:

Կարելի՞ է արդեօք նոյնը ասել մժնոլորտի շարժումների ներգործութեան վերաբերմամբ: Եթէ մի կողմ թողնենք այն խորհրդածութիւնը, թէ քամին և մժնոլորտի ուրիշ շարժումները, նպաստելով պատահմամբ այստեղ կամ այստեղ մեծ քանակութեամբ գոյացող գաղերի ցրուելուն, նոյնպէս և ծովի կանոնաւորիչ գործողութեանը, յայտնի կերպով ազդում են օդի քիմիական կազմուածքի վրայ՝ մենք կտեսնենք, որ այդ շարժումների նշանակութիւնը զուտ փիզիքական կարգի է: Ներկայ ըովէում մեզ հետաքրքրող մասնաւոր տեսակէտից այդ շարժումների վրայ պիտի նայել իբրև բարեխառնութիւնը կանոնաւորող և կեաների մի քանի ձևերի տարածուելուն նպաստող գործօնների վրայ: Նրանք անկասկած բարեխառնութեան կանոնաւորողներ են. քամիների գլխաւոր պատճառը երկրի և օդի անհաւասար տաքանալն է զանազան տեղերում, և եթէ քամիները չլինէին՝ բոլոր տեղերի բարեխառնութիւնը կդառնար անտանելի և կեանքի համար վնասակար: Առանց քամու ամպերը չէին փո-

խազրի ջուրը ծովերից դէսլի ցամաք, և ամենուրեք կթագաւորէր մեծ երաշտութիւն: Առանց նրան՝ այստեղ կամ այնտեղ փշացած օդը կմնար միենոյն գրութեան մէջ, որովհետեւ նրա հետ խառնուած վատ գաղերի ցրուելը կկատարուէր շատ դանդաղ կերպով: Քամին օդի աւելն է. նա նրան հրում է դէս ու դէն, խառնում է, ստիպում է անցնել ծովերի և ցամաքների վրայով, ամբողջ մթնոլորտի մէջ հաւասարապէս տարածում է օդի այն ապրերը, որոնք այս կամ այն պատճառով գոյանում են մեծ քանակութեամբ մի որևէ տեղում: Նա պահպանում է մթնոլորտի մաքրութիւնը, գոնէ նրա կազմուածքի միատեսակութիւնը, և արգելք է լինում բարեխառնութեան մեծ անհաւասրութիւններին: Հարկաւոր է նոյնպէս ասել, որ մըթնոլորտի շարժումները ազդեցութիւն ունին թէ մարդու և թէ կենդանիների մարմնի բարեխառնութեան կանոնաւորելուն վրայ: Նրանք թոյլ չեն տալիս, որ օդը յագենայ աւելորդ խոնաւութեամբ, իսկ բոլորին յայտնի է, թէ որքան անտանելի է լինում խոնաւ օդը տաք ժամանակ. մորթի գոլորշիները դժուարանում են գուրս գալ խոնաւութեամբ յազեցած մթնոլորտի մէջ և մնալով մարմնի մէջ՝ չեն կարող անել այն բարեբեր և գովացացիչ ազդեցութիւնը, որը լինում է հակառակ դէպքում: Միւս կողմից՝ բոլորովին չոր օգը ունի նոյնպէս իր պակասութիւնները—նա գրգռում է թոքերը: Տարածելով ամենուրեք մթնոլորտի մէջ խոնաւութիւնը, որը գանում է միայն որոշ տեղերում՝ քամիները դրանով մեծ օգուտ են առաջի կենդանի էակներին: Նրանք օգնում են նոյնպէս մի քանի միջատների և բոյսերի տարածուելուն, տանելով նրանց

գէպի զանաղան կղղիներ և հարկան ցամաքներ; Բայց քամիները պակասութիւններ էլ ունին. Նրանք տարածում են միենոյն ժամանակ և ախատաբեր միկրոբներ, ուրեմն և նրանցից առաջացող հիւանդութիւններ: Սակայն այդ փաստի վրայ այնքան էլ կանգչառնենք, որովհետև շուտով պիտի վերադառնանք նորան: Բաւական է մատնացոյց անել մթնոլորտի շարժումների բարեբեր և միենոյն ժամանակ վնասակար աղբեցութեան վրայ, աղբեցութիւն, որը ամրողապէս կախուած է օդի հետ փոխադրուող նիւթերի յատկութիւններից:

Դ.

Մենք քննեցինք կենդանի էակների ունեցած յարաբերութիւնը օդի քիմիական կազմուածքի, նրա ճնշման և նրա շարժումների հետ. մեզ մնում է միայն քննել այդ էակների ունեցած յարաբերութիւնը օդի մէջ պարունակուող ուրիշ մարմինների հետ:

Օդը պարունակում է իր մէջ շատ երկրորդական և պատահական խառնուրդներ: Մի քանիսը նրանցից գագեր են, բնական կամ արուեստական կերպով գոյացած, յաճախ թունառը, ինչպէս օրինակ ածխածնի ոքսիտը *) և շատ ուրիշները: Ներկայ ըստէում մենք չը պիտի խօսենք դրանց մասին. օդի մէջ, նայած տեղին և պայմաններին՝ կարելի է գտնել ամեն տեսակ

*) Ածխածնի կ թուածնի որոշ միացումը (CO): Կապագոյն բոցը, որ բարձրանում է նոր գտուած ածուխից՝ ներկայացնում է CO:

քիմիական նիւթեր, բայց նրանց ներկայութիւնը զուտ պատահական է: Խսկ այն խառնուրդները, որոնց մենք ուզում ենք այսուել յիշել՝ ներկայանում են իբրև օդի քնական խառնուրդներ. զրանք են՝ ջրի գոլորշին և զանազան կարծր մարմիններ, մասսամբ կենդանի, մասսամբ կեանքից զրկուած. ինչ վերաբերում է անօրգանական փոշուն, որը գուրս է գալիս հրաբուղիներից, գոյանում է զանազան գործարաններում, կամ գոյանում է գետնից՝ դրանց մենք կթողնենք առանց քննութեան:

Ճրային գոլորշիները միշտ տարածուած են մըթնուրում ամպերի կամ մշուների ձևով այնպէս և անտեսանելի գոլորշու ձևով: Այդ վերջինի մասին մենք ամենից շատ պիտի խօսենք: Նրա ծագումը երկու տեսակ է. նրա մի մասը գոյանում է ծովերի, լճերի և գետնի մէջ զանուոր ջրի գոլորշիանալուց: Այդ գոլորշիացումը կախուած է օդի բարեխառնութիւնից, նոյնպէս և գոլորշու այն քանակութիւնից, որը արդէն գտնում է օդի մէջ: Միւս մասը արտադրում են կենդանի էակները թռքերի և մօրթի չնշառութեամբ նոյնպէս և բոյսերը իրանց տերևների միջոցով: Կենդանի էակների գոլորշի արտադրելը շատ փոփոխական է և ենթարկուած մեծ տարուերման, որովհետեւ կախուած է զանազան արտաքին պայմաններից: Չոր օդով շունչ քաշող մարդը կամ կենդանին արտադրում է շատ գոլորշի, այնպէս որ նրա արտաշընչած օդը յագեցած է լինում գոլորշիով. բայց եթէ նրանք շունչ են քաշում շատ խոնաւ միջավայրում՝ այդ գէպօւմ նրանք համարեա գոլորշի չեն արտապում, այլ միայն վերադարձնում են օդին խոնաւուրում,

թեան այն քանակութիւնը, որը ստանում են նրանից։ Ամբողջ մարդկութիւնը տալիս է մթնոլորտին մի օր ու գիշերում մօտաւորապէս 15 միլիարդ քիլովրամ ջուր, բայց աւելի ուղիղ է ասել՝ վերագարձնում է, քան թէ տալիս է։ Բոյսերը նոյնպէս շատ քիչ գոլորշի են տալիս օդին՝ եթէ վերջինը հարուստ է նրանով, իսկ չոր օդին նրանք տալիս են խոնաւութեան ահագին քանակութիւն։ Հաշուած է օրինակ, որ 500 երիտասարդ և առողջ ծառերից բաղկացած անտառը տալիս է 12 ցերեկուայ ժամերում մօտաւորապէս 4000 տօնն ջըրային գոլորշի, իսկ գիշերը՝ արտադրուող գոլորշու քանակութիւնը նուազում է։ Նա հազիւ հասնում է ցերեկուայ արտադրուածի մի հինգերորդականին։ Մենակ այս օրինակը կարող է ցոյց տալ, թէ բոյսերը նրգան ջուր կարող են տալ մժնոլորտին, և եթէ մտարերենը, որ ամերիկական նահանջներում, Անդերսի հաշուի համեմատ, բուսականութեան մակերևոյթը առնուազը 4 անգամ աւելի է քան ցամաքի միւս մակերեւոյթը՝ պարզ կինու, թէ նրգան մեծ է բոյսերի գերը մեզ հետաքրքրող հարցում, և բոլորովին զարմանալի չէ, թէ մի քանի ֆիզիկոսներ գոլորշու ձեւով մթնոլորտի մէջ գտնուող ջրի քանակութիւնը հաշում են 72 տրիլիոն խորանարդ մետր։

Այդ ջրածին գոլորշիները, որոնք տարածուած են օդի մէջ զանազան քանակութեամբ, նայած տեղին, ժամանակին և շատ ուրիշ պայմաններին, որոնց ես չպիտի այստեղ թուեմ՝ մեծ ազգեցութիւն ունին կեանքի վրայ։

Զափազանց չոր օդը գրգռում է չնչառութեան գործարանները, և ընդհակառակը չափազանց խոնաւը

արգելում է մարմնի մէջ գտնուող ջրի գոլորշիացումը, կամ աւելի ուղիղն ասած՝ դժուարացնում է գոլորշիացումը, զրկելով մարդու նրա բարեբեր ազդեցութիւնից։ Ուրեմն ամենից լաւն այն է, եթէ մթնոլորտը պարունակում է խոնաւութեան յայտնի և որոշ քանակութիւն։ Բայց մթնոլորտի խոնաւութիւնը կատարում է մի ուրիշ, աւելի կարենը դեր էլ. նա ծառայում է իբրև մի բարերար էկրան գետնի և երկնային տարածութեան մէջ, որը մեղմացնում է արեգակի տարութիւնը, կլանելով նրա մի մասը և արգելք լինելով երկրի և բուսականութեան սաստիկ չարանալուն։ Իսկ գիշերը՝ ընդհակառակը թոյլ չէ տալիս, որ գետինը, արձակելով իր տաքութիւնը՝ չափից գուրս սառչի։ Եւ իրաւ, ջրային գոլորշին չէ արգելում տաքութեան լուսաւոր ճառագայթներին անցնել իր միջով, իսկ տաքութեան մուլթ ճառագայթները կլանում է ահազին քանակութեամբ, արեգակից են արձակում դրանք, երկրից, թէ մի ուրիշ աղբեկրից՝ դա միկնոյն է։

Տինդալի և Պուլլի փորձերը ցոյց տուին ի միջի այլոց, որ օդը, չնորհիւ նրա մէջ գտնուող գոլորշուն, կլանում է արեգակի տաքութեան համարեա մէկ քառորդը, այնպէս որ $\frac{3}{4}$ է միայն հասնում երկրին։ Առանց այդ էկրանի, այդ, այսպէս ասած, տաքութեան զտիչի (ֆիլտր)՝ մեր ամառնային օրերը կը լինէին միենոյն ժամանակ և աւելի տաք և աւելի ցուլտ քան այժմ։ Նրանց բարեխառնութիւնը կնմանէր բարձր սաբերի բարեխառնութեան կամ այն բարեխառնութեան, որը դիտել են օդագնացները մեծ բարձրութիւնների վրայ։ Որքան աւելի ենք մենք

բարձրանում՝ այնքան աւելի է բարականում մեր և արեգակի մէջ գտնուող ջրային գոլորշիների շերտը։ Այդպիսի պայմաններում արեգակը շատ խիստ տաքացնում է. նրա ճառագայթները, աւելի ազատ անցնելով օդի միջով՝ աւելի ուժեղ կերպով են տաքացնում բոլոր առարկաները, բայց միւս կողմից՝ շրջապատող օդը շատ սառած է մնում, որովհետեւ նա աղքատ է ջրային գոլորշիներով և շատ քիչ տաքութիւն է կլանում։ Այդպիսով մեր ամառնային օրերը կլինէին չորացնող և միւսոյն ժամանակ սառցնող, արևը մեզ կարէր, բայց օդը կմնար սառած և շուար տեղերը կունենային շատ ցած բարեխառնութիւն։

Գիշերը ջրային գոլորշիները մեզմացնում են տաքութեան ճառագայթումը։ Յերեկով տաքացած երկերը՝ ձգտում է գիշերը կորցնել իր տաքութիւնը, բաց թողնել նրան միջաստղային տարածութեան մէջ ճառագայթման միջոցով։ Այդ ճառագայթումը մեծ է լինում՝ երբ երկինքը շատ պարզ է և օդը չոր. պարզ գիշերը աւելի ցուրտ է, քան ամպամած գիշերը։ Սարերի գագաթների վրայ գիշերը աւելի ցուրա է քան ցած տեղերում, ձորերում, որովհետեւ վերջինները գտնում են գոլորշու և օդի աւելի հաստ և խիտ շերտի պաշտպանութեան տակ, քան առաջինները։ Ճառագայթումը անխուսափելի մի երեսոյթ է, որովհետեւ երկնային տարածութիւնը շատ ցած բարեխառնութիւն ունի, հաւանական է, որ Յելսիուսի — 100 ցած լինի։ Նա այնքան արագ է կատարում՝ որքան օդը աւելի չոր է, այսինքն աղքատ է ջրային գոլորշիներով, որոնք ընդունակ են կլանել տաքութեան մութ ճա-

ռագայթները, որոնց արձակում է երկիրը։ Առանց ջրային գոլորշիների՝ արեգակի մայր մտնելուց յետոյ ամենուրեք կտիրէր ցուրտը, ինչպէս այդ տեղի է ունենում բարձր սարերի և բարձրաւանդակների (օրինակ Տիբետ) վրայ և մինչև անզամ անապատներում (ինչպէս Սահարայում), որոնք շատ չոր մթնոլորտ ունին։ Այդ ցուրտը շատ վնասակար և մինչև անզամ մահարեր կլինէր շատ կենդանիների և բոյսերի համար։ Ուրեմն ջրային գոլորշիները մեղմացնում են ցերեկուայ շոգը և գիշերուայ ցուրտը։ Նրանք յայտնի հաւասարակշռութիւն են հաստատում այնտեղ, ուր, այլապէս, կեանքի համար աննպաստ ծայրայեղութիւններ տեղի կոնսենային։ Նկատենք նոյնպէս այն գերը, որը խաղում են ջրային գոլորշիները, թոյլ չտալով որ գիշերային մթութիւնը կատարեալ լինի. նրանք գտնուելով բարձրներում՝ արեգակի մայր մտնելուց յետոյ էլ գեռ լուսաւորում են նրա ճառագայթներից և մեղմացնում այդպիսով մթութիւնը։

Օդի մէջ ջրային գոլորշիների ներկայութեան կարենութիւնը կարծ կերպով պարզելու համար, բաւական է ասել, որ առանց նրանց շատ կենդանիները և բոյսեր կանհետանային երկրագնդի մակերևոյթից։

Մթնոլորտի մէջ պարունակուող բազմաթիւ կարծըր մարմինների գերը նոյնքան բազմազան է՝ որքան իրանք, այդ մարմինները։ Մաքուր օդը իսկապէս մի առասպել է, և նրան կարելի է ստանալ միայն լաբորատորիայում՝ առանձին յարմարութիւնների շնորհիւ։ Մինչև անզամ ամենամեծ բարձրութիւնների վրայ, ուր միկրոֆոնների քանակութիւնը չնչին է, ուր երբեմն նրանք բոլորովին չեն էլ լինում, ինչպէս չեն

լինում և կենդանական ու բուսական մնացորդներ՝ միշտ կայ հանքային շատ մանր փոշի, որի մի մասը հրաբուխային մոխրից կամ գետնից է, իսկ միւս մասը՝ մեր մթնոլորտը կտրող և անցնող այերօլիտների անսահման փոքրիկ մնացորդներից։ Փոշու կտրոները տեսանելի են և հասարակ աշքով՝ երբ մենք դիտում ենք նրանց՝ սենեակի մէջ ընկած արեգակի ճառագայթներում։ Բայց նրանց լաւ հետազոտելու համար հարկաւոր է դիմել միկրոսկոպի կամ այերոսկոպի օգնութեան։ այդ դէպքում նրանց մէջ գտնում ենք բազմազան տարրեր, այն է փոքրիկ չորացած կենդանիներ, որդնիկներ և այլն, պտտկան ինֆուզորիաներ, միջատների մնացորդներ, բրդի կտրոներ, թիթեռնիկների թեների թեփուկներ, մազեր, թիթիներ, բուսական թելեր, սունկերի բողբոջներ (ըորե), ծաղկային փոշի, գետնի փոշի և վերջապէս միկրորներ։

Մեր հետաքրքրող տեսակէտից՝ այդ մնացորդներից շատերը խոկապէս մեղ համար երկրորդական նշանակութիւն ունին, թէս ի հարկէ հետաքրքիր է իմանալ, որ հրաբուխային ծագում ունեցող փոշին, ինչպէս օրինակ այն, որ նորերումս արտավիժեց կրակատօս հրաբուզիք՝ տարիներով կարող է միալ օդի մէջ նրա բաւական բարձր շերտերում և քամիների չնորհիւ պատել երկրագնդի շուրջը ու պատճառ լինել այնպիսի հետաքրքիր լուսային երեսութների, որոնց մի քանի տարի սրանից առաջ նկատեցին բոլոր երկրների փեղիկոսները։ Կեանքի երկութների տեսակէտից մեղ կարող են հետաքրքրել—ծաղկային փոշին, որը քամիների չնորհիւ փոխաղբուելով հետու տեղեր՝ կարող է բեղմնաւորել իր տեսակի ծա-

զիներ. գաղտաբեղուն բոյսերի բողբոջները, որոնք նպաստում են այդ խմբի աշխարհագրական տարածմանը. վերջապէս մեղ կարող են հետաքրքրել բաղմաթիւ սերմերը, որոնք օժտուած են առանձին յարմարութիւններով՝ քամու միջոցով տեղափոխուելու և տարածուելու համար։ Գրանք շատ թեթև սերմեր են, միացած առանձին թիթիկների հետ, որոնք օգնում են նրանց երկար ժամանակ լողալ օդի մէջ և անցնել ահազին տարածութիւններ։ Փոխաղբուելով հետու երկիրներ և ընկնելով գետնի վրայ՝ նրանք նպաստում են այն տեսակի տարածման, որից իրանք ծագում են ստացել։ Պակաս չեն հետաքրքրում մեղ և փոշու մէջ գտնուող միկրորները։ Նրանցից շատերը բոլորովին անվնաս են, բայց կան և մահարեները։ Օդի մէջ նրանց տարածում են կամ զանազան տարափոխիկ հիւանդութիւններ ունեցողները, ինչպէս օրինակ տուբերկուլոզ, ծաղիկ, քութէշ, դիֆտերիտ, սկարլատինակուլոզ, պուրի նմանօրինակ հիւանդութիւններ ունեցողները, կամ քամին, որը բարձրացնում է նրանց գետնի այն տեղերից, ուր պատահմամբ շպրտուած են եղել վարակուած նիւթեր, և յետոյ օդի հետ միասին նրանց մահարեր հոսանքը ուղղում է դէպի ամեն կողմ։ Նրանց քանակութիւնը աւելի մեծ է մանաւանդ այն տեղերում, ուր բնակութիւններ շատ կան։ Montsouris-ում ե. Մեքիլը գտել է 30ից մինչև 700 հատ միկրոս մի խորանարդ մետր օդի մէջ, նայած քամուն, տարուայ եղանակին և այլն։ Պարիզում Իփօլի փողոցում 5500 հատ. հիւանդանոցների գահինձում 40ից մինչև 80 հազար հատ. մինչդեռ 7000 մեղը բարձրութեան վրայ և ծովերի այն տեղերում, որոնք

ցամաքից հեռու են գտնուում նրանք բոլորովին շը ոկան։ Այդ թուերը բաւական պարզ ցոյց են տալի մեզ, թէ յայտնի գէպքերում օդը ինչքան վտանգաւոր և մահաբեր մի նիւթ է։

Սակայն այստեղ զարմանալու ոշինչ չկայ. մենք արդէն տեսանք, որ օդը շրջեցնում է իր հետ միաժամանակ և կեանք և մահ։ Նրա տարբերից խրաքանչխրը անհրաժեշտ է կեանքի համար, բայց միենոյն ժամանակ իւրաքանչիւրը նրանցից թոյն է, նայած իւրանց համեմատական քանակութեան և այն պայմաններին, որոնց մէջ նրանք գործում են։

Նրանցից ամենակենդանարարը կարող է զառնալ ամենաուժեղ թոյն։ միւսը, որը առաջին անգամից երկում է ամենաանպէտք և մինչև անգամ վնասակար՝ աւելի մօտիկ հետազոտելուց յետոյ, յայտնուում է իրեկ կեանքի էական պայմաններից մէկը։ Այստեղից միակ եղրակացութիւնը այն է, որ նրանցից և ոչ մէկը չէր կարող չքանալ օդից, կամ յայտնուել նրա մէջ ուրեմք քանակութեամբ, չզարձնելով երկիրը մի անապատ և մերկ գունդ, զրկուած կեանքի որեկ նշոյլներից։

Եյդպիսով, աւելի մօտիկ դիտելուց յետոյ, մենք նկատում ենք այն հետաքրքիր փաստը, որ բոլոր կենդանի էակները ոչ այլ ինչ են՝ եթէ ոչ խտացած օդ. — բոյսերը գոյութիւն ունին միմիայն օդի չնորհիւ, իսկ կենդանիները ապրում են բոյսերի հաշուին։ Բոյսերի տարբերը ոչ այլ ինչ են՝ եթէ ոչ օդ, իսկ կենդանիները ապրում են բոյսերով։ Ինչպէս տեսնում էք՝ կապը շատ սերտ և անմիջական է։ Մարդը խտացած օդ է։ Եւ որովհետեւ այդ օդը, սկսած այն օրից,

երբ մարդկութիւնը գոյութիւն ունի, միշտ անցել է մեր նախահայրերի մարմիններով, կազմել է նրանց բազադրիչ մասը և յետոյ էլի բաժանուել՝ ուրեմն մեր այժմեան մարմինը բալկացած է իսկապէս նոյն տարբերից՝ որից և մեր նախորդների մարմիններն են եղել կազմուած։ Մեր մարմնի նիւթը նոյնն է՝ ինչ մեր նախահայրերինը, նոյնպէս և մեռած ու չքացած բոյսերինը։ Այդ նիւթը անդադար շարժւում է տարածութեան մէջ, ենթարկուելով մի շարք կերպարանափոխութիւնների։ Յայտնուելով այսօր իրեմ մի ծաղիկ կամ պտուղ՝ էկուց նա մտնում է արդէն իրեկ բազադրիչ մաս կամ մի դանդաղ մօլիխւակի մարմնի մէջ, կամ որեկ մի Դեկարտի, Պատկանի, Ժաննա-Գ'Յուկի, Ջէկսպիրի ուղեղի մէջ։ Նա երբէք դադար չէ առնում։ Նրա շարժումը, որի սկիզբը չէ տեսել ոչ մի մարդկային աշք, իսկ վերջը չէ կարող պատկերացնել ոչ մի մարդկային խելք՝ անվերջանալի է թւում։ Անցնելով հետևողաբար կեանքից գէպի մահ, պառաւ ինչպէս մեր պառաւ աշխարհը և միենոյն ժամանակ միշտ երիտասարդ՝ նա զգացել է, — եթէ միայն կարող է այդ անել, — այն բոլորը՝ ինչ որ կեանքը կարող է տալ, թէ տիրախին, թէ ուրախալին, և ծանօթացել է ամեն տեսակ զգացմանքների հետ, թէ ամենաաղնիւների և թէ ամենասորների հետ։

Հողմիկը, որը հէնց իսկոյն փշեց մեր երեսին՝ ներկայացնում է ամբողջ մի անցեալ կեանք. նրա մէջ ծածկուած են անթիւ էակներ — մեր նախահայրերը, մեր թանկապին հանգուցեալները, որոնց մենք սգում ենք։ Այս բոպէին նա մտաւ մեր կազմուածքի մէջ, իսկ էկուց նա կուանայ իր ճանապարհով, ենթար-

կուելով անընդհատ կերպարանափոխութեան, անցնելով մի օրգանիզմից միւսը առանց խորութեան, և այդ կշարունակուի մինչև այն ժամանակ՝ երբ մեր մոլորակը վերջնականապէս կմեռնի։ Այն ժամանակ բոլոր, երբեմն ապրող, էակների նիւթը կվերադառնայ սառած հողի—այդ հսկայական գերեզմանի մէջ, որը լուռ ու տրաում կշարունակէ սլանալ մարած երկնքի անհուն խորութիւններում։

Իսկ յետոյ ինչ։ Գիտութիւնը լուռում է. ընութեան գրքի մէջ, որը բայցում է մեր առաջ և որի մէջ մենք ագահութեամբ խորասուզում ենք, յուսալով ըմբռնել ապագան՝ պակասում է միմիայն երկու երես, բայց ամենից հետաքրքիրները մեղ համար—առաջինը և վերջինը։



- 50 Սասմայ ծոեր, Պարեզին սարկաւագի 50
51 Զաւախիքի բուրմանք, Ե. Լայայեանցի 25
52 Դաստիարակութիւն, Սպենսերի, թարգմ. Մ. Ղ. 1 —
53 Մըռուան, Զմիդատի, թարգմ. Ան. Քալանթար 20
54 Խոն-Միրան, Մէլլանի. 20
55 Տարաս-Բուլգար, Ն. Քօգովի, թարգմ. Մ. Ա. 40
56 Փշրանքներ, Գ. սարկաւագ Յովսէփեանի 50
57 Երկու րոյր, Ղ. Աղայեանի 25
58 Քրամատի ընտանիք, գ. տպ. (սպառ.) Խրիժ. Հայրիկի 60
59 Միքար և Ստանիք, գ. տպ. (սպառ.) 50
60 Փորձանկների բժշկաբան, Բորգերի, թարգ. Օ. 20
61 Մակրեթ, Ջէքսարի, թարգմ. Ա. Մալիսասեանցի 50
62 Պատար, Ս. Բալաղեանի և Ա. Քալանթարի 20
63 Խուերա, բժ. Վահան. Արծունուն 5
64 Խարապի եղող, Ս. Քամալեանի 40
65 Հանրամատաշելի բնախոսութ, Վ. Լունկովիչի 1 —
66 Փարաւոնի աղջիկը, Էրերսի, թարգմ. Գ. Զահր. 80
67 Խուն-խոր, Յ. Լազարեանի 60
68 Կլուչա, Կապէկի, թարգմ. Տ. Փիրումեանի 45
69 Հորդորդ մօզը, Վահ. Գէյլի, թ. Գ. Աղայեան 5
70 Քրամատի ընտանիք, գ. տպ. Խրիժ. Հայրիկի 50
71 Միքար և Ստանիք, գ. տպ. 50
72 Զբացներ հողի մասին, Ս. Բալաղեանի 15
73 Ասուղարաշխութիւն Վլամմար, թ. Տ. Ցովհաննիս 1 —
74 Մանուկների հոգատարութիւնը, Պօկրովսկու 20
75 Մօւկուշի հաւելր, Վ. Նեզյաննիմ, թ. Գ. Ա. 15
76 Երկու հերենի, Կարմէն Սիլվայի, թ. Մա. Մ. 10
77 Կովկասի գերին, Լ. Տօլստոյի, թարգմ. Պ. Պ. 20
78 Անձոնի բաղիկը, Անդերսոնի, թ. Ղ. Աղայեան 5
79 Վէպիկներ. Ժիրգանզագէի 40
80 Գարգիլիզմ, Ս. Բալաղեանի 40
81 Պետրոս Գորետն, Արշակ Հապանեանի 50
82 Ջիլինի կալանաւորը, Մ. Հարամանի, թ. Վ. Գ. 60
83 Համելտ Ջէքսարի, թարգմ. Անգլ. Յով. Խան-Մաս. 75
84—87 Քննտիկն պատմ Հայոց, Ա. Մ. Գորագ. 4 հար. 4 —
88 Պատմութիւն հայոց, ը. տպ. Ս. Պալասանեանի 1 50
89 Ակնայ հնութիւնք, Յ. Ճանիկեանի 2 —
90 Ուրբինօտցի մանուկը, Այդի զրոյցներից, թ. Ղ. Ա. 10
91 Կոշկալարը երաժիշտ, Տիւտչեի, թ. օր. Ն. Ղուլիջ. 5
92 Խնձորենիների երկուուր, Այդի զրոյցն. թ. Ղ. Ա. 10
93 Երկու եղբայր, հեղ. աթի. Մօնկոմերի, թ. Պ. Պ. 60
94 Մեծապատի մուրացկաններ, գ. տպ. Յ. Պարոնեանի 40
95 Նախազնելիք բաւարանութեան, Ա. Քիշնիշեանի 80
96 Հզպարից մէկը, Ն. Մամիկոնեանի 60
97 Խնդիր կուգէք, Ջէկսոնի, թ. Յ. Խան-Մաս. 50
98 Գարողական առաջապահութ. բժ. Վ. Արծը. 50
99 Կեղերիչ, Վէպ, Նեմիրսիլշ Գանչենկոյի, թ. Ղ. Ա. 10
100 Գոռազ արժանինին, | Գ. Գարշինի, 5
101 Գոռոզ Ազգէն, | Թարգմ. Հ. Ա. 5
102 Ճանապարհորդ գորտը, | Ապերիանի 3
103 Մանկական լուսո, պատկերներով 1 20
104 Գետնափորի երեխանները, Թարգմ. Ջիրվանզագէի 15

105	Վրէժ,	Գի գը Մօպտաստնի,	թարգմ.	Լ.	Մ.	Ա.	—	5
106	Ակամայ	մարդաստան,	թարգմ.	Տ.	Յովհաննիսեհանի	—	15	
107	Մուֆլու,	Ալզգի	թարգմ.	Յ.	Օհաննեանի	—	10	
108	Աներևոյթ	Հողագործ,	2.	Ֆարվինի,	թ.	Լ.	Մ.	Ա.
109	Նապաստակ,	թարգմ.	օր.	Ն.	Կուրչանեանի	—	7	
110	Եկրունի	Մարկոս,	թարգմ.	Մեկնիկեանի	—	10		
111	Բամիչ	և Զուլիչտ,	Ջէկս.,	թարգմ.	Յ.	Խան-Մու.	—	60
112	Ազդային	Ճաշիր,	գ.	ապ.	Յ.	Պարնինեանի	—	1 —
113	Զբոցյներ	Ն.	Առաքինինի,	թարգմ.	Մ.	Տ.	Անդր.	— 15
114	Բնկերասէր	Վահանը,	տ.	Մ.	Յակոբչանեանի	—	10	
115	Ընկալի	Գերձակը	—	40
116	Մոխրատիստիկ	շքեղ	—	40
117	Քնած	գեղեցկուհի	.	.	.	պատ-	—	40
118	Կարմիր	գլխարկ	.	.	.	պատ-	—	40
119	Դուլիվէրը	Թզուկների	աշխարհում	.	.	պատ-	—	40
120	Նապաստակի	և ոգնու	զբազլ	.	.	կիր-	—	40
121	Գուլիվէրը	Հակաների	աշխարհում	.	.	կիր-	—	40
122	Լուսերինիկ	ներով	—	40
123	Աշմբառութիւնը	միշտ յաղթումէ	.	.	.	—	40	
124	Օքերօնի	Հրաշալի	Էղջիւրը	.	.	—	40	
125	Գաւիթ	Պոպուկրփի՞ր,	2արև	Դիկենսի,	թ.	Պ.	Պ.	1 —
126	Գաունկերներ	Աննանկայա,	թ.	Գ.	Դիկնազ.	—	50	
127	Խժողովներ	պրօֆ.	Բոզդ.	թ.	Լիոն	Մ.	Աղամ..	— 50
128	Ընտիրը	պատմուածքներ,	Դօգէի,	թ.	Վ.	Փ.	—	40
129	Հոօ կիր,	Ա.	Ահարոննեանի	.	.	.	—	40
130	Կեանքի	տեսարաններ,	Քտսիսի	.	.	—	50	
131	Օսկի	շինողներ,	Ցօսկիէի,	թ.	Խ.	Մարտիրոսնեանի	—	50
132	Գուլլիվէրի	Խոնապարհորդ,	(պատկ.)	թ.	Ղ.	Աղայեանի	—	50
133	Բոչունների	աշնան.	տեղափոխ.	.	Յօզգանսիի	—	5	
134	Վենեակի	Վաճառականը,	Ջէկսոն.	թ.	Յ.	Մասհն.	—	40
135	Երկրաշարժ	և հրարի.	Իռներ.	Լունկ.	թ.	Լ.	Մ.	Աղ.
136	Վէպիկներ	և զրոյցներ	Պ.	Մօպաստնի,	թ.	Հ.	Ա.	— 1 —
137	Բուգիչա	և իւր	Վարդապետութիւնը,	Ստ.	Մ.	.	—	20
138	Երկրի	և երկնքի	մասին,	Լունկեվիչի,	թ.	Գիւնազ.	—	10
139	Կոնֆուցիոն,	Գ.	Բալը.	.	.	—	20	
140	Վյզեաթիսկան	օգեգործութ.,	Յ.	Պետրոսնեանի	—	40		
141	Գիւլատն,	մերեն.,	Լ.	Խան-Ազեանի (250 նկարով)	—	40		
142	Կենդանիների	աշխարհ,	Վ.	Լունկեվիչի	(պատկեր.)	—	30	
143	Սըքայ	Լիր,	թ.	անգլ.	Յ.	Մ.	Մասնեանի	— 50
144	Յնչ երթաս,	Սենկեվիչի,	թ.	Ստ.	Լիսիցեան.	—	1 50	
145	Ի՞նչ է հէքիսթը,	Կօտ Մուսիկալի,	թ.	Ղ.	Աղ.	—	10	
146	Մարդ եմ,	Գ.	Լըէրսի,	թ.	Ստ.	Մալխասնեանց.	— 1 —	
147	Օդը և կեանքը,	թ.	Ե.	Տէր-Յակոբեանց	—	—	10	
148	Խորամանկ	աղուէսը,	թ.	Պ.	Պոօշմանց	—	10	

4683

2013



